


Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.278



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.278



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.278


Handwritten text in a cursive script, likely a letter or a page from a manuscript. The text is written on aged, slightly stained paper. The script is dense and flowing, characteristic of the 16th or 17th century. The text is oriented vertically on the right side of the page.

2. 3. 2/8

2. Q. 3

2. P. 7

XX XVIII
MONTEC.




O R A T I O
ILLVSTRISSIMI DOMINI
COMITIS CAROLI MONTECVCCOLI
DE LAVDIBVS D. HYACINTHI.

In lucem edita à Comite FRANCISCO eius fratre,
&
SERENISSIMO PRINCIPI ALFONSO ESTENSI
D E D I C A T A.



In Modona, Per il Verdi. Con licen^{za} de' Superiori.


O R A T I O
 IL L V S T R I S S I M I D O M I N I
 C O M I T I S C A R O L I M O N T E C A C C O L I
 D E L A V D I E V S D. H Y A C I N T H I
 In hac edita à Carolo Francisco eius fratre
 &
 S E R E N I S S I M O P R I N C I P I A L F O N S O E S T E N S I
 D E D I C A T A .



In Montibus Per hunc Comitem de Capite



AD SERENISSIMVM
PRINCIPEM
ALFONSVM ESTENSEM.



DE ingenijs nostris semina
quedam innata virtutum, Se
renissime Princeps, testatur
tum ea ratio, seu lex, qua
quemque nostrum suapte na
tura ad bona, quasi suadens,
dirigit, quam solam esse posse satis idoneam uni
uersae hominum communionis rectricem, Deus
iam inde usque à constitutione mundi multis se
culis indicauit: tum etiam ostendunt multa præ
clara hominum instituta, publicis proposita &
corroborata præceptionibus, & omni populorum
observatione culta. neque enim Deus tot sæculis

A 2 huma-

humanam progeniem suis carere praeceptis passus
 esset, nisi inseruisse se aliquid eorum ingenijs con-
 sciussuisset, cuius beneficio bonorum & malorum
 sensum haberent efficacem: neque excogitare ho-
 mines tot insignia documenta unquam potuissent,
 nisi inesset eorum animis aliquid, cuius ductu ad
 ea aspirassent: id autem cum Cicerone intelli-
 mus semina esse virtutum. Itaque si hac adolesce-
 re liceret, ipsa nos ad beatam vitam natura per-
 duceret. Verum obruuntur plurimum prauita-
 te, quam tum sponte nostra, tum confirmata
 iam, & inueterata consuetudine consecramur;
 ut in plurimis nunquam omnino germinent, in
 paucis verò fructus proferant suos: quos qui-
 dem nihil esse aliud, quàm illud, quo nihil me-
 lius, aut maius aiunt mortalibus a Deo esse do-
 natum, studium inquam sapientiae, & optimas
 quasque artes, haud abs re dixerimus, admoni-
 ti poetae autoritate sic canentis:

Implendus sibi quisque bonis est artibus, illa

Sunt animi fruges:

atque etiam inde edocti, quòd, ut videmus,
 quemadmodum cecam ignorantiam improbitas,
 ita sapientiam, tanquam praestantissimam quan-
 dam

dam diuinis illis seminibus genitam ducem, integritas vitæ semper consequatur. Ea verò qualia in ingenio fratris mei Comitæ Caroli, quem nobis nuper immatura mors eripuit, fuerint, & quomodo ipsis primis vitæ annis vi sua connixa sese extulerint, atque ad amplissimos fructus ferendos efflorescere fecundè caperint, iam dudum id eorum, qui ipsum norunt, voce & sermonibus melius communi famæ traditum est, quàm ego literis unquam essem expressurus. ostendit certè eius studium, in quo adhuc tener puerulus cum delectabili impetu versari caperat, & acumen, quod pro eius ætate neminem non in admirationem rapiebat, & doctrina, quam incredibili celeritate sibi comparauerat, & morum vitæque probitas, quæ multa etiam in eo fuit, peculiari naturæ munificentia illa ipsi insita fuisse; ad insigne quidem familiæ nostræ ornamentum, nisi aduersa fata plus nobis eius morte adimere properassent, quàm natura natiuitate largita esset. sed & eius rei alia clariora post se reliquit testimonia, nempe plurimos de omni disciplinarum genere libros à se compositos, quales neminem alium tam breui vitæ spatio, qui erant so-

lum

lum octodecim anni & undecim menses, effecisse
 indubitanter licet affirmare. in quibus ego, tan-
 quam delectabilia illorum seminum germina,
 sed priusquam adoleuissent, repentina tempesta-
 te deiecta, contempler & recolligam, perpetuo
 versor; atque cum re ipsa & suis initijs insignes
 videam, uniuerso autem fine imperfectos, eo mihi
 videor circa ipsos officio fungi, quo leones solent,
 aut ursi, circa fœtus suos vitæ adhuc expertes; il-
 li ut suos clamore & rugitu suscitent, hi ut lam-
 bendo perfectè effingant: quanquam nulla mihi
 possit esse unquam, ut illis est, spes aut facultas
 aliquid efficiendi melius; cum in his consum-
 mandis mens ipsius ignota nobis omnino sit: hoc
 solùm efficio, ut eos ordine suo disponam, & ex-
 plorem, quid inter ipsos reperiatur dignum, quod
 lectoribus palàm possit communicari. multa au-
 tem esse digna comperio: sed non est huius meæ
 atatis, aut opis, Philosophica, Theologica, Astro-
 nomica, Mathematica, & alia huiusmodi vo-
 lumina, ut propediem edi possint, diligenter ut
 oportet peruidere, & ponderare. successu autem
 temporis, ne & tam præclara naturæ in eum lar-
 gitas, & tantus ipsius, tamque dignus labor per-
 ne-

7
neglectum nostrum in nihilum euanescat, ea in
diem ad diuinæ maiestatis gloriam efferemus.
Nunc autem hanc de laudibus Diui Hyacinthi
orationem, quam totam manu ipsius conscriptam
inueni, visum est edere; etsi id quodammodo pro-
hibere videantur hæc illius, quæ in capite exor-
dij scripta fuerunt, verba: si quis, inquit, hanc
orationem inter scripta mea forte deprahenderit,
sciat me nolle, ut sic se habeat, & multa adhuc
cogito mutare: at cum nescirem, quæ fuerit hæc
ipsius mutandi intentio, nihil omnino censui im-
mutandum, sed relinquenda omnia eo modo,
quo ab ipso relicta sunt. quapropter si quid in ea
imperfectum esse videretur, excusatus author
habendus est. politio enim futuram fuisse in-
dubitatum est, si summa ei manus ab illo pro ar-
bitrio suo fuisset imposita. Hanc itaque, ut no-
minis & potestatis tuæ amplitudine, tanquam
firmissimo præsidio, munita prodeat, tibi dedico,
rogoque, ut eam pro magnitudine tam Sancti
viri, & propenso domus nostræ erga Serenissi-
mam tuam personam studio, beneuolo & lato ani-
mo suscipias: quod si, quæ tua est humanitas, fe-
ceris; etsi munus hoc & meritis tuis atque celsi-
tudini,

tudini, & meis debitis atque promptæ voluntati,
longè impar esse conscius sim, multum tamen ei
ex liberalitate tua ponderis accessisse, quo hic de-
fectus suppleatur, putabo, meque optabilem hunc
tibi domuique tuæ placendi finem, quem praci-
puum omnis iste conatus, quo & ego nunc in li-
bris his edendis, & frater meus in consficiendis
versabatur, spectat, asecutum esse gaudebo.


Celsitudini tuæ

Addictissimus

Franciscus Montecuccolus.



ORATIO
MI
ILLVSTR. D. COMITIS
CAROLI MONTECVCCOLI
DE LAVDIBVS
DIVI HYACINTHI CARPI
conscripta Idibus Septembribus
anni 1609:



Loriosissimi Christia-
næ fidei athletæ, in- Exordiū,
uictissimi pugnato-
ris, atque fortissimi
ducis, Sanctæ Roma-
næ Ecclesiæ lapidis
angularis, in quo si-
cut olim per Chri-
stum firmata fuit, nunc per seruum suum am-
plificata est: Hyacinthi inquam fideris ex-
celsi, atque radiantis laudes, humanissimi
B audi-

auditores, silendasne, an lingua balbutientis
 pueri, vel hominis polluti labijs comme-
 morandas esse existimatis? cœli enarrant
 gloriam Dei, & omnia quæ fecit Domi-
 nus, cum in Sanctis suis laudant, & filebit
 rationalis creatura laudem Dei, irrationabili
 non silente? filebit laudes Domini amicus
 & charus Domino, immo verò filius eius,
 quia patrem in cœlis habemus, seruo, id est
 alijs creaturis, loquente? immo, filebit seruus
 vociferantibus seruorum seruis? quia homo
 seruus domini creaturas seruas habet, vt ha-
 betur Gen. 1. filebit tandem seruus perso-
 nante Domino serui sui laudes ac dicente;
 Gaude fili Hyacinthe? non ergo tacebo ip-
 se quoque, sed soluens artus linguæ meæ
 eloquar, cum si taceam, à lapidibus iubeat
 clamare atque omnibus creaturis, quæ Do-
 minum in Sancto suo laudare volunt. Sed
 præter hæc alius non detrectandus lauda-
 tionis huius stimulus subiectus mihi est. nam
 pater meus Illustrissimus Comes Aeneas
 Montecuccolus, præfectus Carpi mihi impe-
 rauit, vt orationem aliquam in gloriam Diui
 Hyacinthi conficerem, tum quòd amplitu-
 do eius id sibi iure vendicaret, tum quòd
 eius

Cur dice-
 re debeat.

11
eius protector esset : cui duas ædes ædifica-
uit , & suis redditibus ita instruxit , vt semper
sacerdos vtroque habitet , & ijs viuat , &
sacrificia quotidie celebret : & præterea in
alio templo altare ipsi erexit . sed hæc mul-
tò inferiora sunt & illius meritis , & patris
mei obligationi . nam cum anno 1596. mor-
ti omnino propinquus esset , seque illi de-
uouisset , continuò conualuit , & sub hoc suo
tutelari nos fratres & sorores educavit , &
desideramus vsque ad finem vitæ nostræ sub
hac tanta protectione viuere : pro cuius de-
siderij leui argumento hanc aggrediar ora-
tionem , non sine illa spe , vt si mihi vita sup-
petat , laudes Diui huius diligentius & copio-
sius pro virili exequar . eloquar igitur , sed
quomodo absque auxilio tuo , Hyacinthe ,
potero aperire fidelibus laudes tuas non
præditus eloquentia , aut vlla facultate dicen-
di : auxiliaberis ergo tu mihi secundum miseri-
cordiam tuam , impetrando scilicet seruo
tuo sapientiam atque doctrinam , qua pos-
sim opus inceptum peragere , ad laudem Do-
mini & matris eius , atque tuam : neque mo-
ueant te peccata mea , pro quibus preces tue
ad Deum fusæ satis possunt Deo fonti mi-

B 2 feri-

fericordiæ satisfacere; & quia oratio peccatoris cum spiritu facta (teste Diuo Gregorio in Psalmum 6.) præsupponit exauditionem, ideo misericordia domini & tua humanitas me summa spe replent, vt oratio mea iam exaudita sit. mecum ergo omnes creaturas vocando ad laudem tuam, opera tua te ipsum laudantia enarrare incipiam. Eia ergo mecum seruum domini laudate, atque Dominum in seruo constitutæ à Domi-

Psal. 148. no creaturæ; ne sileamus sed psalmum dicentes nomini eius, cantemus: cantate vos angeli, qui conseruum tam dignum habetis: cantate vos cœli, qui fulgentissimo sole decoramini: canite vos ignis, grando, nix, glacies, spiritus procellarum, cum benedixeris ei tam sæpe, tunc verò præcipuè, cum segetes à vestro liberauit impetu: lauda eum aer, qui toties vocum sanctissimarum lator fuisti fidelissimus & optimus: cantando tu quoque lauda nomen eius aqua, quæ toties obsecuta illi fuisti, corpora submersorum tu ipsa fida latrrix efferendo: cantate terra, & omnes fructus eius cum animalibus omnibus, cum toties vel à nece liberati fueritis, vel à periculis salui redditi, atque restaurati: canite
VOS

vos omnes homines, qui tantum protecto-
 rem apud Deum habetis. cantantibus ergo
 vobis certè & meis vocibus aera replebo,
 & contendam totis viribus eximium lauda-
 re Hyacinthum: qui quamvis à multis de-
 terrear, in primis tamen mihi lætandum esse
 video, quòd protectoris mei, a quo nun-
 quam in vanum petij auxilium, laudes sum
 dicturus. præterea verò is laudandi locus
 mihi est oblatus, in quo oratio nemini deef-
 se potest; cum talis dei (quia, ut inquit pro-
 pheta, ego dixi, dii estis & filij excelsi om-
 nes) opera admiranda sim expositurus; li-
 cet minimè idoneus laudator sim, quia non
 est pulchra in ore peccatoris laus. quare
 huius orationis difficilius est exitum, quàm
 principium inuenire; neque quid dicam
 quærere debeo, sed tantum modus in dicen-
 do desiderandus: primum ergo commen-
 data charitati vestræ tenuitate mea, & antè
 implorato auxilio diuino, ut distinctior no-
 stra oratio appareat, dicenda proponemus:
 & quia sermones nostros scriptura sacra vo-
 lumus inniti, ut cum ipsi ex se imbecilles
 sint, ea fortiores reddantur, ideo breuem
 hanc orationem in quatuor partes diuide-
 mus;

Psal. 81.

Exo. 26.

Exo. 28.

1. Para-

lip. 3.

Cant. 5.

Prima

pars.

Multa di-
cenda fi-
let.

mus ; ostendendo Hyacinthum sanctum & tabernaculum Dei, & sanctam vestem sacerdotis, nec non templum sanctum Dei, & tandem manus ipsas summi sponsi, vel in vita, vel post vitam ornasse : quia de Hyacintho, vt conferente ad ornatum Dei, fit mentio in sacra scriptura sub his rationibus. Prætermittam autem illa, quæ nullum sancto honorem afferunt; neque dicam de maxima sanguinis nobilitate, quæ in eo fuit, cum auos Episcopos ipse Comes habuerit; non dicam de Craouia patria eius (licet ipse ruri natus sit) vrbe nulli infima; non de regum amicitia, neque de alijs temporalibus commodis, & honoribus ipsius ; neque dicam de nomine, quod licet soleat afferre nobilitatem, dicente Paulo, Christo datum nomen, quod est supra omne nomen ; tamen scimus bonos non efficere : neque præterea de illo facere mentionem curabo ; nam ipsi conuenisse optimè omnes vno ore testabuntur. si enim ipsum consideremus, vt datur lapidi, splendorem; si vt datur flori, odorem; tandem verò si vt datur colori, pulchritudinem inueniemus velle in nostro Sancto ponere & ostendere. quid splendidius operibus eius tum in
vita

vita tum post mortem factis? quid vitæ eius
 odore excellentiore redolet fragrantia? &
 quid pœnitentia sanctissimi huius viri pul-
 chrius pretiosiusue? quod idem & actiones
 ipsæ declarant huius admirandi Sancti. quid
 splendidius luce, quæ super sepulchrum eius
 apparuit, aut illa quæ circum ipsum & ægro-
 tum & Episcopum post mortem suam appa-
 rentem fuit? aut quodnam excellentius ge-
 nus odoris fuit illo, quod dedit sepulchrum
 eius? quidue ornatius facie eius post obitum
 se videndam reddente? sed vt dixi his præ-
 termiſſis, me conferam ad superius propoſi-
 ta principalia declaranda. antequam tamen
 quomodo tabernaculum ornet Hyacinthus
 videamus, quid ornatum hoc tabernaculum
 significet, intelligere debemus, circa quod
 contentus expositione Diui August. dicam
 tabernaculum significare Christum, vnde
 Psal. 18. in sole posuit tabernaculum suum,
 quod Augustinus exponit de filio Dei, in
 prima parte quæſtionum ex veteri testamen-
 to circa finem, deinde dicit etiam & osten-
 dit, Ecclesiam Dei, vt idem testatur in psal-
 mos, vnde Apostolus, vt exhiberet sibi glo-
 riosam Ecclesiam; quia vt idem alibi testatur,
 nos

Narratio.

Taberna-
culi ac-
ceptiones
multæ.
Prima ad
Cor.

nos, qui sumus simul coniuncti constituto-
res Ecclesiæ, sumus templum Spiritus sancti.
tabernaculum tandem Dei est anima no-
stra, vnde Deut. 14. populus sanctus domus
Dei, teste eodem Aug. in psalmos. noster er-
go Sanctus, quia Christum ornauit, ornauit
etiam tabernaculum Domini. nonne pretio-
sa Deum ornant? pretiosa autem in conspe-
ctu Domini mors Sanctorum est, Psal. 115.
quare Hyacinthus moriens Christum orna-
uit; & meritò quidem, namque mors eius
tam sanctè obita fuit, vt nihil supra: sed in vi-
ta etiam ornauit, namque cum iusti ornet
dominum, vt testatur sapientia cap. 3. ipse
iustissimus ita ornauit, vt summum gradum
attigisse credere debeamus; & quia, vt te-
statur Christus apud Ioannem qui honorifi-
cat filium, honorificat & patrem; ideo con-
cludere possumus totam sanctissimam Tri-
nitatem ipsum clarificasse, & clarificando vt
potuit ornasse. si enim vt testatur Aug. in
Ioannem Christus per discessum Iudæ fuit
clarificatus, ita quanto magis clarificabitur
per aduentum iusti, qui iustus non erat timo-
re, sed amore? & qui ita iustus erat, vt cum
iusticia natus videretur, & qui tanto igne
amoris

amoris iustitiæ plenus erat, vt non valens
 flammam silens continere clamaret cum
 sponsa domini, scilicet anima eius; amore
 languet: quod & operibus voluit confirma-
 re: namque cum fulgentissima gemma ef-
 set, sed non adhuc bene eliminata, cumque pul-
 cherrimus flos cognosceretur, sed non ad-
 huc benè floridus, atque pulcherrimus co-
 lor, sed non adhuc ab immunditijs separa-
 tus, vt floridus fieret, lucidus, & pulcher, se-
 dare voluit totum Deo, vt postquam anima
 eius ad manus Domini venisset, posset ip-
 sas ornare. quare primùm quidem ab inimi-
 cis Domini vt longè recederet, & præcipuè
 à mundo, presbyter sub auo suo dignitate
 quadam functus, effectus est; deinde verò
 strictioris religionis desiderio præditus cum
 esset, sub Diuo Dominico, vt à carne & de-
 inde à diabolo procul abiret, regulam Præ-
 dicatorum professus est, & optimè eam ser-
 uauit. quid filemus modò, nec aperimus os
 nostrum, vt tantum factum laudemus? lauda-
 tur Petrus, cum Matthæo, & Ioanne, quia vel
 retia, vel nummos, vel sponsam reliquerunt;
 & non laudabimus Hyacinthum, qui reli-
 quit omnes mundi commoditates, & non

C

solum

solum secutus est dominum vocantem, sed
 quæsiuit illum? nec mirum est, illos protinus
 feruidos factos à presentia ipsius ignis amo-
 ris, scilicet Christi, qui ignis comburens est;
 sed mirum est Hyacinthum non solum ca-
 lentem, sed & aridum effectum absque ver-
 borum ipsius Christi auditione, & absque
 splendoris lucis ipsius visione. neque tamen
 mirum est, si consideremus Sanctissimi hu-
 ius viri virtutes, quæ animam eius ita pul-
 chram reddiderant, vt regem ipsum amore
 ipsius capi cogerent: coactus est ergo (da-
 ta misericordia sua) amorem reddere mu-
 tuum illi, qui intensissimè amabat eum, ideo
 accepit animam eius in sponsam, quæ ipsum
 secuta est: sequitur sponsum suum, sequitur
 ducem suum miles, aut itineris comitem pe-
 regrinus, quia militia, & peregrinatio est vi-
 ta hominis super terram, teste Iob. sequitur
 dominum suum seruus, vel potius patrem
 suum filius, quia vt dicit Apostolus ad Ro-
 manos 8. non accepistis spiritum seruitutis
 iterum in timore, sed spiritum adoptionis
 filiorum, in quo clamamus Abba, id est pa-
 ter; sequitur non gradu, non cursu, sed præ-
 cipitando: & iure, audierat enim Dominum
 dicen-

19
dicentem apud Matthæum, qui vult sequi
me, relictis omnibus tollat crucem suam,
& propheta Psalmo 44. dicebat, audi filia &
vide, & inclina aurem tuam, & obliuiscere
populum tuum, & domum patris tui, & con-
cupiscet rex decorem tuum: & Moyses in
cantico laudat Leui, quia dixit patri & ma-
tri suæ, ego nescio vos. ipse ergo reliquit
omnia, primùm quidem cum factus est pres-
byter, omnes commoditates mundanas; sed
non contentus eo, monachus effectus est,
neque Domino seruiuit quiescens, sed labo-
rando, non solum quia peregrinus, sed quia
& prædicator, & tribulationes patiens, non
solum pœnitentiam faciens orando, sed &
carnes suas macerando. dantur ne asperi vi-
uendi modi, quos videre cupias? hos aspice
in Hyacintho. vis patientiam? respice eum S. Hyacin-
thi virtu-
tes.
iniurias ferentem. vis scientiam? audi con-
cionantem. vis humilitatem? considera ha-
bitum & actiones eius. vis labores? itinera
propter dominum ab eo capta mente vo-
luas. vis liberalitatem? intueri eum non co-
medentem totum, quod debet, ut pauperi-
bus aliqua largiatur. quidquid vis, in illo
tandem inuenies. & hæc omnia in familia-
C 2 ritate

ritate Dei, quàm gratissima ipsi, apud altare Virginis moranti dicta, satis declarant; audi quàm dulcia;

Verba B.
M. ad S.
Hyacin-
thum

*Gaude fili Hyacinthe, quia orationes
tuae gratæ sunt filio meo, & quidquid
ab eo per me petieris, impetrabis.*

Gaudij certè Hyacinthe causam habes, quia tibi statuae factæ sunt vocales, neque ut statuae gentilium, ut dicebat David Psalmo 113. licet os habeant, non loquuntur, sed volente Domino linguæ marmoreæ moventur, & posita, mirabile dictu, rigiditate, verba formant. Gaudeas ergo nam Dominum loquentem audis, & tantum legatum, quanta est Beata Virgo, gaudium tibi nunciantem habes; o felix amicitia Dei, quæ legatos amicis impetrat maiores illo, cui mittuntur; sed non solum audisti, sed & forsan incompletè compræhensor factus, id est, maximo illo splendore tibi apparente, dominum cum matre sua vidisti; non minor Moyse, qui vidit dominum, aut Paulo, qui in tertium raptus est cœlum, Stephanoue, qui vidit cœlos apertos: gaude ergo, quia gaudij causam habes; quia dum vocat te filium

Mater.

Visio ex-
cellentis-
sima.

Mater Domini, & iterum addit, filio meo,
 vno verbo te filium suum, & fratrem Christi
 appellat. iure quidem, namque si Christi ma-
 ter est, quia eum nouem mensibus portauit
 in vtero; quare & tu filius eius non eris, &
 per consequens frater Christi, cum te sem-
 per mater eius portauerit affectu, sicut illum
 portauit effectus? nec solum filium eius te vo-
 cabo, cum etiam sis filius Dei, ipso dicente
 Esaia 46. audite me domus Iacob, qui por-
 tamini ab vtero meo, qui gestamini à me à
 vulua mea. pergit sanctissima Mater dicens,
 Hyacinthe, quia tam pulchri nominis sono,
 & tam amatae rei nomine decantato, forsan
 & ipsa laetatur. ecce quare gratum nomen,
 quia orationes tuae, dicet ipsa genitrix Dei,
 gratæ sunt filio meo; & quare gratæ sunt
 Deo? quia orationes filij sui, quare tu gra-
 tus in orationibus? quia sunt veræ orationes
 incinere & cilicio factæ. Quare cum odo-
 rem suauissimum Domino, vt testatur Moy-
 ses in Exodo, sacrificia reddant, quodnam
 gratius Deo indicare debemus orationibus
 Hyacinthi: quia psalmo 50. sacrificium Deo
 spiritus contribulatus, cor contritum & hu-
 miliatum Deus non despicias. tuas d. Hya-
 cinthe.

Oratio
 nes San.
 Hyac.

cinthe certè non despexit Dominus; & meritò tot orationibus tam piè & deuotè recitatis maximum præmium debetur: non contentus ergo æterno, etiam temporali suum sanctum vult honorare; & istum ostendit dicens, & quicquid ab eo per me petieris, impetrabis. meritò certè, nam ipse Christus dixit apud Matthæum; petite & accipietis: ipse qui non remisit, vt alij, petijt, sed intensissimè, non solùm sibi impetrauit, nec solùm dicitur, omne tibi impetrabis, sed etiam alijs; & tandem, quidquid petieris, signum fuit: nam non solùm quæ conferunt ad salutem, sed etiam quæ ad commodum temporale, non solùm rationalia, sed etiam irrationalia impetrauit, amicis suis. clarum est in fructibus, quos tempestas & grando ita dissipauerat, & contuderat, vt homines præ mæstitia nihil aliud è pectore emittere possent, nisi voces Hyacinthum obsecrantes, vt restitueret, quod Dei iussu cælum iratum abstulerat: ipse autem benignissimus in dictis omnibus orationibus, quasi alter creator, dixit, & facta sunt, iussit, & licet (vt vult propheta Psal. 148.) non creata fuerint tunc; tamen iussu & intercessionibus eius redintegrata,

grata, atque dicere audebo, diuinitus in illum locum asportata. quare poterimus dicere, sicut dicit propheta Psal. 147. Deus mittit cristallum suum, sed Hyacinthus misit; emitter (dicit propheta) nos verò, emisit, dicemus, verbum suum, & liquefecit ea, emisit eloquium suum terræ, & velociter cucurrit sermo eius; protinus enim exauditus fuit. hoc idem patet etiam in vita boui restituta, quam mulier pauperrima amiserat, licet iam ferè dimidia excoxiata esset, cum summis precibus misera ab ipso contendisset Hyacintho hoc tantum beneficium: atque clarum est in equo, cui vita orante seruo reddita est: patet tandem, quia sexies irrationalibus, amicis & seruis suis orantibus, auxilio fuit. quia ergo nulli alij sanctorum scimus à Deo tam largas promissiones præsentialiter, vt Hyacintho accidit, factas esse, neque aliquem tam inusitata miracula edidisse etiam in minimis, ideo dicamus cum Ecclesia, non est similis illi: & quare non datur similis, audi Dauidem Psalmo 4. quia mirificauit Dominus Sanctum suum super omnes: quia licet æquetur alijs virtutibus à multis, hac certè orationum, quæ maxima est, à nullis æquatur.

S. Hyac.
miracula
multa.

Nemini
secundus.

tur. propter ergo merita sua tantis præmijs,
 non solum æternis, sed etiam tēporalibus
 dignus est iudicatus, & à Deo mirificatus
 est, non solum propter hæc, sed etiam, quia
 tabernaculum Domini, id est Ecclesiam
 Domini ornauit. vt enim primū natus est,
 & tyrocinijs puerilibus, præcipueque fide
 Christiana fuit imbutus, studio se dedit; at-
 que deinde sub auo suo, exemplum habens
 illum sanctitatis ante se, omnibus virtutibus
 repletus fuit, & non solum magistrum, &
 exemplar æquauit, sed etiam multū præ-
 tergressus est, quod illi Deus concessit, quia
 cognoscebat ornamento futurum, & neces-
 sitati Ecclesiæ suæ: quod clarissimum operi-
 bus suis fuit. namque vt primū sub Diuo
 Dominico monasticam regulam Romæ est
 professus, magistri sui (cuius & socius erat)
 iussu discedens Roma, primū quidem in
 Germaniam, deinde verò in Poloniam se
 conferens multas animas Domino venatus
 est, & Ecclesiam persecutionibus liberauit
 hæreticorum, qui frequentes in illis regio-
 nibus erant, & non solum ad veram metho-
 dum Christianam duxit, sed etiam ad stri-
 ctjorem monachalem vitam: & non solum
 in

Roma
 discedens
 Germa-
 niā petit.

in Germania, in Polonia, in Bohemia, Septentrionalibus regionibus, verum etiam in Orientalibus, voluit se exercendo seruos acquirere Domino suo. tactus ergo spiritu illo, qui ubi vult spirat, gratiaque Domini sui ^{Io. 3.} latus, discedens è Polonia se contulit Orientem versus, & ibi ita se exercuit per quinque annos, vt multas gentes Deo conuerterit, & monasteria multa ædificauerit. quid de tot operibus eius ibi factis dicam, ignoro; si de omnibus loquar, nunquam non solum sermoni meo, qui breuitatem requirit, finem imponam, sed nec etiam partem istam solummodo, non dicam, amplificabo, non declarabo, non narrabo, sed tangam. quare me ad vnum tantum caput restringens, pertransiens curram miraculum quoddam in itinere factum; hoc autem fuit fluminis vnus transitus sicco pede, & istud nomine Vandalus dicebatur: ad quem cum venisset Hyacinthus, & absque nauigio inuenisset, secum socijs orationibus dato, alijs ostendendo viam primus ipse, vt bonus pastor, capiens iter super flumen hortatus est socios ipsum transire, sed ipsi timentes renuerunt. quid timetis animo pusilli? flumen for-

Transie
miracu-
losè flu-
men.

D fan

fan, quod naues, si quæ erant, fortassis fre-
 git, vt dignum efficeretur tactu pedum fan-
 ctissimi illius, non dicam hominis, non an-
 geli, sed Dei, quia minorasti eum paulo
 minus à Deo dicebat Dauid Psalmo 8. se-
 cundum Hebraicam lectionem. timetis a-
 quas forsan, quas sciebatis in ministerium
 eius esse promptissimas, & quibus multo-
 ties ipse, vt consisterent, impèrauerat, &
 quam promptæ in seruitium eius essent, for-
 san antè cognoueratis in corpore illius iue-
 nis, quem à Raba occisum, iussu Hyacin-
 thi eiusdem fluminis aquæ suprà tulerunt;
 beati vos fuissetis, si credidissetis videntes
 magnalia Dei, atque cum verbis ante no-
 luissetis credere, saltem debebatis experi-
 mento, quod ipse de se ipso fecerat, fidem
 præstare. sed tamen excuso vos, non enim
 tantæ fidei eratis, sicut ille, qui tanta fide
 præditus erat, vt non solum posset iubere
 montibus, vt mouerentur, sed alia magis
 impossibilia facere, & quia scimus Moysem,
 Iosue, Eliam, & Elisæum transisse quidem
 diuersas aquas; sed tamen diuissse illas, &
 super aridam ambulasse, nec vndis quemad-
 modum Hyacinthus fecit se commississe :
 ideo

Aquas ce-
 teris mo-
 do excel-
 lentiori
 transisse.

ideo laudemus Hyacinthum, & superexaltemus illum. attollant alij alios, nos rationabilissimè istum vel omnibus æqualem faciemus, vel super omnes collocabimus: transiit quidem & Maurus Abbas, & Djuus Franciscus de Paula, sed ille quidem magis desiderio inseruiendi motus, absque periculi consideratione, iste verò fidens vesti, quod erat, ac si non propria fide erga Deum, sed faceret fides sanctitate eius, cuius habitum gerebat. sed Hyacinthus etiam absque vestis auxilio ingressus est flumina, & pertransiit aquas periculi gnarus, & non solum semel quemadmodum illi, sed ter, quod sciamus; primùm quidem Vandalum, vt diximus, deinde vero bis Boristhenem transiit. primùm quidem destructurus fanum diaboli, deinde verò liberaturus iconem Beatæ Virginis à manibus barbarorum, vt infra dicetur. neque mirum est eum tanta fecisse, namque non erat in domo Domini vas in contumeliam, sed erat vas aureum & gemmatum, & hoc, quia se mundauerat ab omnibus huius mundi negotijs, ideoque fuit vas sanctificatum Deo ad omnia opera patrandæ, 2. Tim. 2. auxilium enim eius à Domino Psal. 130.

D 2 erat,

erat, qui fecit cœlum & terram; ideo non
 dedit Dominus pedem eius in commotio-
 nem, scilicet per superbiam ad ruinam, sed
 dedit motum ad ambulandum & proficien-
 dum, & ascendendum montem illum, à quo
 venit auxilium, vel potiùs ad lucem, quæ
 montem illuminat. ò lepidi, ac limpidissi-
 mi pedes charitatis, quia humiles ad celsi-
 tudinem prouehitis, qui non solùm Hyacin-
 thum ad montem cœli duxistis, sed etiam in
 sinum ipsius charitatis, ducite nos quoque
 ad eum de cuius plenitudine acceperunt
 montes, id est, Sancti: & tu Hyacinthe, qui
 charitatis amore, Dei fruitione post multa
 alia præmia lætaris, concede nobis, & fratri-
 bus tuis tuæ charitatis partem, vt digni si-
 mus præmijs tuis, & custodiamur à Domi-
 no, sicut tu, qui quia sperasti sub vmbra &
 tegmine alarum Domini, ideo scapulis suis
 obumbratus ab eo fuisti & custoditus: Deus
 enim fuit protectio tua super manum dextræ
 tuæ: quia cùm potestas quæ homini data
 est, vt inter filios collocetur Dei, sit manus
 dextræ suæ, ideo ipsa potestas, quæ maxima
 fuit in Hyacintho, protecta fuit à Domino,
 quia semper mirificauit Dominus sanctum
 suum,

D. Aug.
 in hunc
 Psalmū.

suum, custodiuitque ab omni malo animam
 eius: custodiuit introitum in vitam hanc,
 quia protinus saluus per aquam Baptismi
 est factus, & exitum eius, quia pretiosa in
 conspectu Domini fuit mors eius. custodi-
 tus fuit in introitu ciuitatis, quia propter ma-
 gnā miraculi famam tota pene ciuitas in
 iubilatione eum recepit, & in exitu carus
 illis & non inimicus exiens: quare neque
 sol per diem eum vssit, neque luna per no-
 ctem: licet enim multi insurrexissent in eum,
 nullus tamen præualuit: & hoc, quia elegit
 custodem non dormientem, neque dormi-
 tantem, scilicet Deum. factus enim fuit
 Hyacinthus Israel, id est, homo videns
 Deum (ita enim Diuus Hieronymus inter-
 pretatur hoc verbum) videns quidem pri-
 mum per fidem, vt dicit D. August. in Psal.
 120. & quia hanc fidem viuificauerat per
 opera (quia sine operibus fides mortua est)
 secundo dignus iudicatus est, vt etiam per
 speciem eundem Christum videret, & si
 non in hoc mundo perfecte, saltem perfe-
 ctissime in patria. Quia ergo tam excellens
 homo ad te venit, lætare vrbs Visogrodus;
 illuminabit enim partes tuas sol, quia ad te

gra.

Cap. 50.
Cant.

graditur, vide eum candidum propter virginitatem, quia niue candidiores Nazaræi eius, Trenarum 4. & rubicundum propter charitatem, quæ est ignis rubicundus; unde Matth. 14. refrigescet multorum charitas; & Cant. 8. aquæ multæ non poterunt extinguere charitatem: & verè flumina tribulationum, & persecutionum, quas ibi passus est Hyacinthus, non potuerunt obruere charitatem eius: ideoque candidus & rubicundus fuit. vide caput eius aurum optimum, quia per multas tribulationes quasi per ignem fuit examinatum: probauerat enim illum Dominus, sicut dicit propheta, & igne examinauerat eum, nocte scilicet, per ignem persecutionum in nocte tribulationum, ideoque comæ eius effectæ sunt sicut elatæ palmarum; nam semper in omnibus pressus sicut palma surrexit. quare cum torcular, quod Christus calcavit, & ipse calcauisset, atque de torrente tribulationum in via bibisset, propterea exaltauit caput suum: quia magnus effectus est. nigræ sunt comæ eius, quasi coruus: quia vestis nigra, quæ super caput eius est mortem Domini annuncians & humilitatem eius ostendens, decorat

Psal. 90.

rat caput eius nigrum sicut tabernacula
 Cedar, vel pelles Salomonis, quæ nigredi-
 ne, qua se pulchram confitetur sponsa, præ-
 dita, templum Salomonis & Dei ornaue-
 runt. Oculi eius sunt sicut columbæ super
 riuulos aquarum lacte lotæ, & residentes
 iuxta fluentia plenissima: nam scientia illius
 (quæ in oculis significari solet) candida
 quidem est, & humilis, sed tamen plenissima
 gratia; quia erat lex immaculata Domini
 conuertens animas seruorum eius. Genas il-
 lius vide sicut areolas aromatum confitas à
 pigmentarijs; quia verba, quæ auxilio gena-
 rum fiunt, maximè sunt odorati exempli, &
 odoris dulcissimi, haud secus, quàm quodli-
 bet aroma; & sicut sponsa, potest dicere
 anima eius, odorem dedi suauitatis sicut
 myrrha electa, nam in verbis suis odorem
 suauissimum de se dedit, Domino se seruum
 ostendendo; namque Sancti, teste Diuo Pau-
 lo 2. ad Cor. 2. Christi bonus odor sunt;
 & ad illum gentes conuertendo. quare Do-
 minus odoratus est odorem suauitatis ope-
 ris illius, atque populi moti sunt operibus
 illius, quæ charitatis odorem suauissimum re-
 dolebant. Labra illius lilia distillantia myr-
 rham.

Cant. 1.

Psal. 18.

Pulchri-
tudo San-
Hyacin-
thi.

Gen. 8.

rham primam ; quia quasi nouus Iohannes
 Baptista, aut alter Ionas, clamat dicens ; pœ-
 nitentiam agite . pœnitentiam ergo quia lo-
 quitur & indicit , quæ primo amara est qui-
 dem, sed tamen odorata, myrrham distillare
 dicitur. cum enim sit holocaustum Domino
 pœnitentia, Psal. 50. ipsum holocaustum &
 victima Exodi 29. & Leuitici 8. & Num. 15.
 odorem suauissimum Domino reddunt. ma-
 nus eius tornatiles sunt plenæ hyacinthis,
 quia ipse Hyacinthus est pulcherrimæ vir-
 tutis splendore ornatus, & ita ornant illum
 opera sua, id est manus rotundæ & tornatiles,
 id est in proximi vtilitatem semper paratæ .
 quia semper pro proximo suo laborauit : &
 quia ipse se mundauit à malis, ideo se reddi-
 derat vas ornatum & aureum ; propterea
 etiam proximum suum, emundando illum
 ab infidelitate, per fidem tale vas reddere cu-
 piebat. quare manus illius tornatiles fuerunt
 in proximum, & rotundæ & plenæ hyacin-
 this. nam gemmis lucentibus & rubeis cha-
 ritatis semper fuerunt ornata opera eius .
 venter eius eburneus distinctus zaphyris,
 quia profunditate rerum sanctarum & arca-
 nis sapientiæ Dei plenum fuit cor eius : my-
 sterium

sterium enim Domini, quod absconditum
 est à seculis & generationibus, non est agni-
 tum, sicut in prædicationibus factum est
 Sanctorum Christi, quibus reuelatum fuit
 teste Diuo Paulo ad Ephesios 3. Crura il-
 lius sunt columnæ marmoreæ propter fir-
 mitatem fidei, & constantiam, & fortitudi-
 nem in tribulationibus, in quibus vincens
 malignum, quia verbum Dei erat in eo for-
 tissimè gessit se: quia cum sapiens esset, &
 fortis erat, Prouerb. 14. cuius bases erant
 aureæ, quia fortitudinis eius fundamentum,
 quod erat dilectio, fortissimum & probatis-
 simum erat: vnde Cant. vlt. fortis vt mors di-
 lectio. Species eius, sicut thus, quia sicut aro-
 ma illud sacrificatur Deo, ita Hyacinthus
 corpus suum, & omnem humanam pulchri-
 tudinem relinquens propter Deum sacrifi-
 cabat illam Domino pro peccatis suis &
 populi sui. vnde propter penitentiam pote-
 rit sicut Paulus dicere; quotidie morior pro-
 pter vos. Electus vt Cedri, non enim ani-
 mam eius imbutam lege Domini, iustum
 erat dare canibus, Psal. 73. neque conue-
 niens erat Sanctum Domini videre corru-
 ptionem, nec ante porcos decebat Chri-

T. Ioā. 2.
B 14.

E stum

stum mittere gemmas suas . quia ergo mor-
 tem non vidit anima sua , ideo sicut cedrus
 non corrumpitur, ita ipsa non est corrupta .
 Guttur tandem eius dulcedo est , namque
 quid dulcius sermone eius, quo potuit rabi-
 das tyrannorum mentes humiles reddere &
 placidas, conuertereque animas eorum, qui
 callum obduxerant in malo, à vijs suis pessi-
 mis, atque eo vincere diabolum , cuius sa-
 pientia angelica est? sed ipse adiutus sum-
 ma sapientia persuasit populo diaboli, vt
 populus Dei fieret; cum diabolus illos reti-
 nere verbis suis in seruitute sua non potue-
 rit: & quia Psal. i 8. iudicia eius erant vera,
 iustificata per semetipsa, pretiosa super au-
 rum & lapidem pretiosum multum, & dul-
 ciora super mel & fauum; ideo illos, licet
 magis assuefactos assentiri verbis diaboli, se-
 cit clamare, dulcia gutturi nostro eloquia
 tua sunt super mel ori nostro, à mandatis
 tuis intelleximus, propterea odiuimus om-
 nem viam iniquitatis . Concludamus tan-
 dem quòd totus est pulcher, totus deside-
 rabilis, totus amabilis, deauratus intus &
 foris propter virtutes: ideo non solum Ec-
 clesiae, sed & sibi est ornatus: nam si taber-
 na-

Psal. i 18.

naculum Dei, id est Ecclesiam, ornauit, per
 opera eius ornauit, & se ipsum, ita vt pos-
 sumus dicere, speciosus forma præ filiis ho-
 minum; quia non est similis illi, canit Eccle-
 sia: aut excellere omnes filios hominum di-
 camus pulchritudine, quia ipse non est fi-
 lius hominum, sed Dei; vnde Dauid Psal.
 26. pater meus & mater mea dereliquerunt
 me, Dominus autem assumpsit me; & Do-
 minus apud Matth. iam vobis nolite vocare
 patrem super terram (ad electos autem suos
 loquitur) vnus enim pater vester, qui in cœ-
 lis est. speciosus ergo forma præ filiis homi-
 num es, ò Hyacinthe sancte, & diffusa est gra-
 tia in labijs tuis; quia non est similis illi in
 oratione, quæ fit per labia; ideo conuenien-
 ter dicamus, diffusa est gratia in labijs tuis,
 scilicet gratia orationum; propterea bene-
 dixit te Deus in æternum, æterno enim præ-
 mio ipsum decorauit: quia & ipse se ipsum
 ornauit, vt tabernaculum pulchrum cor
 suum efficeret Deo. de isto possumus dice-
 re, sed in lege Domini cor suum, quia die, Psal. 1
 ac nocte cogitabat de Deo. ornauit se ip-
 sum ita, vt possumus dicere, istum esse om-
 nium bonorum epilogum: & verè venter
 eius

E 2

eius pyxis eburnea distincta zaphyris . si
 Adam propter immensam poenitentiam post
 peccatum actam laudatur : quanto maiori
 laude dignus est Hyacinthus, qui licet gra-
 uibus peccatis non esset inquinatus, tamen
 assidue in orationes & poenitentiam incum-
 bebat : si extollimus Abel, quia sacrificium
 gratissimum Deo offerebat : quanto ratio-
 nabilius extollemus orationes Hyacinthi
 gratissimum sacrificium Domino ? ascende-
 bant enim sicut incensum in conspectu Do-
 mini, neque ipse offerebat boues, aut pecu-
 des, sed Domino se ipsum quotidie immo-
 labat. & non solum se ipsum, sed & totum
 mundum poene Deo sacrificare studuit, vt
 scilicet operibus suis odorem sui Domino
 etiam gratiorem odore sacrificij daret. mi-
 ramur Noe familiaritatem cum Deo, &
 quod arca sua progeniem humanam, & om-
 nia animalia seruauerit : sed ille familiaris-
 simus Deo reuelationes quotidie recipiebat
 vel ab ipso, vel à matre eius, & non solum
 se ipsum, sed & illos qui non solum non
 erant de familia sua, sed quos nunquam vi-
 derat (licet essent fratres in Domino) libe-
 rauit à dentibus diaboli, & eorum, qui erant
 mini-

Laudibus
 offerendus.

David.

Psal. 104.

ministri eius: & iste miluos & vultures per
 prædicationem reddidit columbas, cum
 Noe corni feritatem mutare non potuerit.
 pietatem & liberalitatem Melchisedech ex-
 tollimus, quod panes Abraham obtulerit:
 sed rationabilius fortasse in cœlum vsque at-
 tollemus Diuum Hyacinthum, qui defrau-
 dabat os suum cibo, vt daret pauperibus.
 miramur Abraham & eius obedientiam,
 quod primo Dei iussu domum & cognatio-
 nem suam reliquerit, atque filium suum Deo
 ita volente sacrificare non abnuerit: sed ma-
 iori admiratione dignus est Hyacinthus,
 qui non solum propter Dominum urbem &
 cognationem suam reliquit, sed & commo-
 ditates, atque diuitias omnes, nec non mun-
 dum ipsum: & iste non filios suos tantum,
 id est opera sua, sed & se ipsum sacrificauit
 multoties Deo. patientia Isaac multis laudi-
 bus digna existimatur, quod puteos à se fa-
 ctos obstrui siuerit: sed iste non minus extol-
 lendus, quia non solum sibi, sed & alijs pu-
 teos dantes aquas misericordiæ Domini
 ligone pœnitentiæ & prædicationis fodere
 semper studuit; atque persecutiones studen-
 tes istos puteos obstruere patienter tulit,
 cum

cum calamitatibus, quas illi afferebant. Patientiam similiter Iacob miratur scriptura, quod septem annos Laban pro sponsa tenuerit: sed quam est illa adamantina anima, quæ Hyacinthi patientiam possit imitari: neque enim per septem annos, sed per totum vitæ suæ curriculum non solum æstus diei, & frigus noctis, sed & tentationes & pressuras corporis tulit, & multis modis ipsum macerando, se in patientia si non superiorem, saltem æqualem Iacob constituit. Ioseph pudicitiam omnes extollunt: ego autem ineptum existimo de pudicitia ipsius tractare, quæ quanta fuerit, omnibus manifestum est. Iob omnes homines prædicant, athleta enim maximus fuit: sed multo magis hunc prædicabimus, non enim per aliquot menses, sed per totum vitæ suæ cursum passus est multas tribulationes, & corpus suum semper affligendo, haud secus quam Iob, ægritudines patiebatur: sed tamen ea differentia, quod quæ Iob corpore, iste & corpore & mente passus est. tribulationes enim aduersariorum, atque eorum, qui liuore affecti ipsius operibus inuidebant, dentes multoties passus est, & hæreticorum, dum studebat

39

bat destruere ipsorum leges. Iob de substantia sua succurrebat pauperibus: hic autem nihil amplius corpore suo possidens, de hoc sufficienter indigentibus ministrabat; & sicut Paulus poterat dicere necessitatibus meis, & his, qui mecum erant ministrauerunt manus istæ. Moyses pro Iudæorum salute deleri elegit de libro: sed iste non cum percutientibus perire voluit, sed sibi salutem acquirere, & alijs impetrare studebat, ille Pharaoni pro vna gente obstitit; iste pro vniuerso orbe diabolo quotidie repugnabat. mirantur poenitentiam David omnes, ac bona opera: sed iste non peccauerat grauiter, & tamen quotidie incumbere in poenitentiam. Sed vbi reliqui Gedeonis fortitudinem, qui liberauit populum Israel à seruitute inimicorum eius, signumque ipsi datum, nec non vires Samsonis, & robur Iosue? que licet multum à scriptura exaltentur, non tamen maiores fortitudines ipsorum dicam Hyacinthi robore. iste enim non pugnavit contra homines, qui impotentes sunt respectu angelorum, sed contra angelos rebelles Dei, atque diabolos humanæ naturæ hostes: quod rectè ostendit Petrus in prima
sua

fua canonica dicens, quia aduersarius ve-
 fter diabolus, hicque notans inimicitiam;
 tanquam leo rugiens, & hic fortitudinem;
 circuit quærens quem deuoret, hic verò ma-
 lignitatem. & si Iosue habuit signum solis,
 qui diem immobilis remanens longissimum
 esse dedit: & Hyacinthus soli non appa-
 renti iussit, vt appareret, nubes fugaret, ter-
 ram foueret, & dispersas segetes, quas resti-
 tuerat, vt consolidaret. cum tamen prius
 grandini, vento, & pluuiæ vires, vt dictum
 est, abstulisset. & sicut ille signum illud re-
 quisiuit à Domino, vt inimicos suos priua-
 ret vita, atque quinque reges occideret: iste
 similiter, vt possessione sua diabolum priua-
 ret, scilicet populis ei interuentibus, signum
 hoc & multa alia operatus est, namque bo-
 ni illo miraculo confirmati sunt, atque mali
 à vijs suis pessimis declinauerunt ambulan-
 do in vijs Domini. & sicut potestas Domi-
 ni auxilio fuit Iosue, quia lapides de cælo in
 hostes suos in auxilium Israel misit, ita Hya-
 cintho miracula, quasi lapides, à potestate
 Dei concessa sunt, vt ostenderet Deus poten-
 tes & fortes spiritu, atque corpore, mente
 esse infirmos & debiles: quia deposuit po-
 tentes

Iud. 10.

Iud. 10.

Cant. B.
v.

tentes de sede & exaltauit humiles. & è contrario, vt etiam declararet non defuisse infirmitati corporis, atque humilitati mentis non deesse potentiam, quod etiam ostenderunt miracula Christi, & non solum illa quæ ipse in hoc mundo operatus est, dum tribulationes & ipse hic patiebatur; vt homo; sed etiam illa, quæ per sanctos suos operari voluit. quod autem miracula sint lapides, patet; quia cum lapidibus ædificemus testatur Diuus August. sermone 11. in Matth. Christum per miracula visibilia, fidem eorum, quæ non videbantur, ædificasse: cum ergo Hyacinthus effectus fuisset Paulus, vt præcipitur apud Matth. 18. ideo magnus effectus est in regno cœlorum, & tantis gratijs dignus. Similiter eum æqualem Samsoni constituemus: si enim ille in mandibula asini mille viros occidit; iste multò plures homines necauit. cum enim regionis illius viri sequerentur humana, atque à diuinis se elongassent, & per consequens inimici Domini facti essent, & serui eius Hyacinthi; ipse, quod odio habebat in ipsis, occidit, & hoc in mandibula mortui asini: cum enim asinus labore continuo affectus laborem teste Pie-

D. Aug.
ser. 29. de
verbis
Apost.

Miracu-
la lapi-
des.

F rio

rio significet, quod etiam sacri interpretes
volunt, & cum mandibula comedat asinus,
& hac esset mortuæ bestiae os; ideo signifi-
cabatur, laborem peccatorum, quo ipsi sa-
turabantur (quia teste propheta prodierat
quasi ex adipe iniquitas eorum) mortem-
que dissipatam & ablatam ipsorum nimiam
terrestreitatem humanam mortuamque red-
ditam. Hyacinthus enim, ut clariùs dicetur
ostendendo ipsos laborare, & effugando
peccatorum laborem viuificauit eos; quia
mortem, id est, peccatum & diabolum, fecit
relinquere, & vitam, id est, Christum, qui
est via, veritas, & vita, sequi. quod si Samson
multò plures moriens occidit, quàm fecerat
uiuens; iste similiter moriendo ita bonos in
vijs suis confirmauit per verba sua sancta, &
per miracula facta, & malos à peccatis auer-
tit, ut possimus rectè dicere, multa mala oc-
cidisse, & multos inimicos suos, haud secus
quam Samson, quando columnas, quibus
tota imminebat domus Dagon diaboli men-
dacis, deiecit. adde quod Hyacinthus occi-
dendo inimicos viuificauit fratres & ami-
cos, quod de Samfone factum non legimus.

Iud. 6. Si Gedeon vidit angelum Domini, atque
signum

signum velleris ab eo habuit, & propterea
 destruxit aram Baal, atque liberauit popu-
 lum probatum bis apud aquas à Madian ^{Iud. 7.}
 Principe, atque viros Soccoth cum tribulis ^{Iud. 8.}
 deserti comminuit, & turri Phaniel destru-
 cta, habitatores urbis trucidauit: ita Hyacin-
 thus cum Domino locutus est, & matre
 eius non semel, sed multoties, & ex verbis
 eius non vnum signum habuit, sed multa: li-
 cet primis verbis Domini, quod liberatu-
 rus esset populum suum à Madian, id est à
 diabolo, ipse non infidelis credidisset; quod
 experientia satis clarum fuit. probato enim
 populo primùm per vocationem, deinde
 verò per aquas, hostem suum paucis vicit:
 namque socios suos, id est monachos, quos
 non cognoscebat, timidos recepit, proba-
 uit & secundò quosnam electurus esset so- ^{Ratio so-}
 cios prædicationis & laborum per aquas su- ^{ciorum eli-}
 mendi modum, quia quos vidit maiori cum ^{gendorum.}
 labore erectos ad Dominum, & non ad ter-
 ram carnis huius, quæ pulvis est & in pulue- ^{Gen. 3.}
 rem reuertetur, aquas sapientiæ diuinæ,
 quod est seruire Deo, non solum lambere, ^{Psal.}
 sed etiam haustu magno sumere, hos elegit,
 atque ut probatos recepit: qui omnes dein-

de vel sancti clarissime sunt habiti, vel tales
 saltem existimati: frater Ceslaus inter hos
 collocabitur, Beatus Benedictus Prusiae præ-
 fectus, nec non Meinardus, atque Vitus, al-
 ter Liouum, alter Lituanorum præfectus,
 cum multis alijs quos enumerare nimis lon-
 gum esset. his ergo fretus socijs, sed magis
 diuina gratia Hyacinthus, tuba prædicatio-
 num inclamante, lucerna miraculorum, at-
 que gratiæ diuinæ splendorem emittente,
 nec non lagena repræhensionum strepitum
 edente, diabolum adortus est atque vicit:
 postea vero viros Soccoth, id est carnem,
 cum tribulis deserti, id est poenitentia & la-
 boribus comminuit, quia humiliavit eam:
 atque turrim, id est fastum mundi, destructa
 Phanuel, id est victo eo deiecit: vel dicamus
 eum vicisse Madian, id est auaritiam, quia in
 diuitibus solum auaritia apparet; namque
 Ecclesiast. 31. laborauit diues in congrega-
 tione substantiæ: vnde Apo. 18. qui diuites
 facti sunt ab ea longè stabunt; diuites enim
 teste B. Maria dimittuntur à Deo inanes. per-
 cussit ergo Madian diuitem significantem
 auaritiam, Soccoth id est carnem, atque
 Phanuel id est superbiam: omne enim quod
 est

est in mundo, vel est concupiscentia carnis, vel concupiscentia oculorum, vel superbia vitæ, teste diuo Iac. in prima sua canonica. si miremur Ezechiam, Iosiam, & alios reges Ierusalem qui ambulauerunt in vijs Domini, quibus data sunt signa multa per prophetas: quare non mirabimur Hyacinthum etiam, qui locutus est cum Domino à facie ad faciem, & cui non per prophetas, sed per Virginem Sanctissimam, vel Dominum ipsum data sunt signa? quod si ipsi, quemadmodum & Esdra, & multi alij populum Domini liberauerunt ab hostibus: iste similiter compedem seruorum diaboli soluit, catenas fregit, & carceres patefecit, vt Dominus comitari posset à seruis suis. Christus in terra existens, & cum hominibus conuersans laudauit Ioannem Baptistam, cibum enim locustas & mel syluestre habebat, & multa pœnitentia vsus fuit propheta ille parans vias eius, vt testatus est Zaccharias in cantico suo; sed istum laudat Deus gloriosus, non in mundo laborans, sed in cœlo gloriosum obiectum beatorum, per matrem suam, quæ illum appellat filium: quia iste in medio mundi strepitu, sicut ille

Maxima
dignus ad
miratio-
ne.

in

in eremo, quietè versatus est, & cibo multò
 viliori contentus, maiori pœnitentia vsus est:
 & iste, sicut Ioannes Baptista, per prædica-
 tionem non solùm vias Domino parauit, vt
 Christus ingrederetur, sed per eas à se ipso
 paratas, ipse Dominum tulit verbis suis, &
 seruos sponso animæ suæ acquisiuit, & hæ-
 reticos multos atque infideles, hostes non
 peiores Herodiade, habuit, qui persequen-
 tes eum multùm iniuriati sunt, licet non oc-
 ciderint. quid reliquum est aliud, nisi vt an-
 gelis eum comparemus? Dauid verò in eis
 miratur potentiam; vnde dicebat, potentes
 virtute facientes verbum eius, & alibi, qui fa-
 cit angelos suos spiritus & ministros suos
 ignem vrentem: sed in isto potentiam in-
 uenimus; quia vt dicebat propheta Psal-
 mo 44. propter veritatem & iustitiam de-
 ducet te mirabiliter dextera tua; & inferiùs,
 dilexisti iustitiam & odisti iniquitatem, pro-
 pterea vnxit te Deus, Deus tuus oleo læti-
 tiæ; oleo verò fortes vnguntur. similiter
 etiam fecit verbum Domini, quia non abiit
 in consilio impiorum, & in via peccatorum
 non stetit, & in cathedra pestilentiae non se-
 dit; & est tanquam lignum plantatum secus
 fon-

Psal. 1.

fontes aquarum, quod dabit fructum suum
tempore suo, immo & dedit, nam irrigatus
aqua gratiæ Domini fructum dedit sanctita-
tis. fuit etiam spiritus & ignis vrens, quia
sicut ignis conuertit in ignem illud in quod
agit, ita amor Dei, quo totus iste flagrabat,
ita eum vsit, vt & ipse ignis vrens esset. di-
camus ergo istum angelum esse, sicut enim
angeli reuelationes Dei minores habent, ita
iste plurimas à Deo habuit; & præcipuè cum
mater Dei allocuta est illum, vel de senten-
tia, vel iussu filij, vel cum iussu eorum cor-
pus Christi & statuam marmoream immen-
sæ magnitudinis & ponderis per medios ho-
stes tulit illæsus, atque flumen pertransiuit
sicco pede, in cuius fundo tamen sancti ve-
stigia, ita volente sponso animæ illius, reman-
serunt. mirantur multi Petrum, quod secu- Matt. 14.
tus sit Christum per mare gradientem iussu
eius, sed iste multis grauioribus quàm cor-
poris sui ponderibus libratus, non timens
neque aquæ, neque hostium, neque pon-
deris, quod gerebat, pericula, graditur su-
per aquas, graditur super flumina, & furio-
sos torrentis cursus non timens, currit. &
meritò quia Dominus assumpserat eum: pa-
ter

Angelos,
Archangelos &c.
egregie
imitatus
est.

Psalm. 81.

ter enim meus & mater mea, dicit David
Psalm. 26. dereliquerunt me, Dominus au-
tem assumpsit me. ò miraculum stupendum,
ò opera admirabilia, ò virtutes Dei verè bra-
chij Domini fortis; & iuste de eo dicetur,
quod dicit propheta, lætabitur in virtute
tua rex, nam serui Domini filij excelsi om-
nes & reges sunt. lætatus est Hyacinthus in
mirabilibus Dei, quia rex erat & filius excel-
sus, & quia mirabilia magna solus facis Deus
in Sanctis tuis. rex erat autem sensuum suo-
rum, quos regebat ratione; vicerat enim spi-
ritum contradictionis, quem nos habere in
carne nostra testatur Apostolus. filius excel-
sus erat, quia filius Dei, patrem enim in cœ-
lis Deum habebat, quia iustus erat, & tales
Christi sunt mater & fratres, vt est apud
Matth. cap. 12. Non solum autem angelus,
sed & archangelus erat, atque inter princi-
patus collocandus; sicut enim hi prouincia-
rum & regnorum, illi verò regum curam
habent, ita iste curam gerebat non solum
totius Septentrionalis regionis, sed etiam
Orientalis, immo totius pœne orbis terra-
rum, per quem ipse discurrens, vel per so-
cios suos circundans, vel præparauit, vel
con-

conuertit Domino. & non solum infimam
 plebem initiari baptismo voluit, sed etiam
 multos viros primarios, vt magnum ducem
 Lithuanorum Mendegonem, Seutopelcum
 ducem Russiæ, Colomanum, & Salomea
 duces, nec non reges Alicæ, multosque
 alios quos præmitto. religionis præterea
 & corporis sui rationem tam magnam habe-
 bat, vt verus vineæ Domini cultor, verus
 pastor, & verus mercator, & talentorum
 Domini exercitator iure nominaretur. Po-
 testas dici potest; nam sicut illæ dæmones
 cohibent, ita iste non solum cohibuit, ne
 nocerent, aut possessionem haberent in ser-
 uis Domini, sed & postquam, ita ferente
 Deo, hominum corpora habitacula sibi fe-
 cerunt tenebrosa, & Dominum propter pec-
 cata nescientia, in chamo & fræno, vt dice-
 bat propheta Psal. 31. maxillas eorum con-
 stringens, fecit post liberationem, vt non
 appropinquarent ad eum. quare ipsi perti-
 mescentes chamum orationum ipsius, & fræ-
 num meritorum eius, sedes proprias vix
 inhabitare audebant, nullas autem alias si-
 bi vsurpabant; ipse enim liberatus de lacu Psal. 96
 venantium, & à decipula quam teste Iob te-

G ten-

30

Cant. B.
M. V.

tenderat diabolus, quia & in Domino confidebat, & ideo non confundebatur, & in adiutorio altissimi habitabat, ideo scapulis Domini obumbrabatur, & scuto eius circumdabatur. propterea iure à timore nocturno & diabolico non timens, non solum se defendebat, sed & alios liberabat, & imitabatur Dominum suum, qui faciens potentiam in brachio suo dispergebat superbos mente cordis sui, diabolos videlicet, qui propter superbiam à Domino defecerunt; & exaltauit humiles & infirmos filios & conseruos suos auxilium eius implorantes. Virtutum chorum etiam & Dominationum inhabitare credere debemus, quia sicut Dominationes inferioribus quod Dominus vult, committunt, virtutes verò miracula facientes exsequuntur; ita ipse iubebat membris suis, quod Dominus per ipsa facere volebat, & illa citò mirabilia faciendo omnia exsequebantur. exsecutæ vos estis manus voluntatem Domini per signum crucis, quod fecistis eiicientes dæmonia: exsequuta es tu vox sæpe factoris tui præcepta, per verba mortuis vitam impetrans: executæ es tu anima & sponsi tui vocem, dictans verba.

31
verba & conceptus ad faciēda mirabilia
magna: exequuta tandem estis omnia ipsius
quidquid redemptor gubernatoris vestri,
id est animæ illius, & omnium fidelium im-
peravit. propterea non solum ipsum domi-
nationem, sed thronum Domini appella-
bo; in eo enim, vt vidimus, posuit Deus se-
dem suam, & tabernaculum suum eum sibi
fecit. & quia in sole posuit tabernaculum
suum Dominus, ideo ipsum solem appella-
bimus; sicut enim sol & illuminat & calefa-
cit terram, ita ipse eijciendo tenebras dia-
bolicæ legis multos populos per angelicas
traditiones illuminavit, & amore diuino in-
flammatos reddidit. Cherubinum etiam ip-
sum vocabo, quia sicut illi scientissimi sunt,
ita iste tanta scientia præditus fuit, vt illum
non dubitem cum Martino Cromæo lib. 7.
de rebus Poloniæ & Fratre Antonio de Se-
nis Lusitano vocare prophetam. tantas enim
& tam crebras reuelationes à Deo habuit,
vt scientiæ illius modum non fuisse credere
possimus. Seraphin etiam propter amorem
Dei, quo flagrabat & ardebat, & alios ad
Deum incendebat, vocare non dubitabo.
dicam Patriarcham, quia pater multarum

G 2 gen-

gentium fuit, sed non pater carnalis, sed
 spiritualis. & sicuti anima corpus gubernat,
 ita tanto rationabilius eum Patriarcham vo-
 cabo. dicam prophetam, non solum autho-
 ritate virorum illorum grauissimorum ful-
 tus, sed etiam experientia ipsa coactus, mul-
 ta enim prædixit, quæ nemo cognoscere
 nisi per reuelationem diuinam poterat. in-
 ter quæ, vt alia prætermittam, memoria di-
 gna est promissio, quam matronæ cuidam fi-
 lios suscipere non potenti, de masculine pro-
 lis generatione fecit ex reuelatione diuina.
 Dicere etiam ipsum audebo Apostolum,
 namque sicut ipsi ideo ita dicti sunt, quia
 missi sunt ad diuersas gentes, vt prædicarent;
 ita iste non vnâ tantum sed multas & infi-
 nitas pæne regiones ambiens verbumque
 Domini prædicans martyrium desiderans
 exposuit Christi legem, & infinitas difficul-
 tates vincens, circa ficum Domini, quæ antè
 fructum non faciebat, terram peccatorum,
 ligone repræhensionum & laborum fodit,
 & stercore prædicationis circa ipsam mit-
 tens, fructiferam reddidit. quare cum Domi-
 nus ipsam extirpare, & in ignem mittere vel-
 let, conuersus est & faciem in eam vertit, &
 per

Luc. 13.

per intercessionem serui sui misertus est eius,
 & quos odio habebat propter peccata, ut-
 que hostes & prauaricatores legis suae pu-
 nire volebat, in seruos & filios recipiens,
 gloria & honore coronauit eos. nouum
 etiam Euangelistam praedicabo, quia fecit
 opera Euangelistae, ut Timotheo iubet Pau-
 lus 2. Tim. 4. sicut enim illi euangelizan-
 tes populis omnibus vitam Domini, qui
 propter nos carnem assumpsit, & annun-
 ciantes miracula eius, acta Christi omnia
 conscripserunt; ita iste indefessus non co-
 gnoscentibus legem Domini omnem vi-
 tam Christi ipsis annunciauit, & mandata
 ipsius exponens seruos frugi Domino para-
 uit. Dicam etiam martyrem si non opere,
 saltem desiderio; namque licet gladio vi-
 tam non finierit, non est tamen, quod mul-
 tas tribulationes, quas mortes vocare non
 dubitabo, passus non sit, martyriumque ita
 desiderauerit, ut etiam quaesierit. & praeterea si
 martyr etiam dicitur, quia testis est diuinita-
 tis & sublimitatis Christi, qui vires dat illis
 ad perpetienda ea, quibus conflictantur: ita
 iste multa testimonia de Deo perhibuit,
 non solum verbis, sed factis etiam, ferens
 scilicet

scilicet tribulationes, neque horrens minas tyrannorum, sed omnia virtute sua dissipans, ut verus martyr dici possit. inter virgines autem collocat ipsum continentia & castitas sua; inter poenitentes labores pro Deo habitati. & bona conjugatorum dicere eum virginem habuisse non erubescam; namque sicut coniugati habitationes in cœlis sibi præparant, quia seruos Domino generant; ita iste calore amoris diuini multos seruos, ut diximus multoties, acquisiuit Domino, & ipsos nominans poterat cum Diuo Paulo dicere; filioli, quos ego parturio. & sicut coniugati domum suam in iustitia concordantes gubernantes se charos Domino reddunt; ita corpus & anima solis istius concorditer seruiebant Domino, ita ut neque caro, quæ ut vxor se habebat, spiritui contradiceret, neque spiritus carni; sed spiritus carnem regens, habebat vxorem suam adiutorium, quo scilicet adiuuabatur ad bona sibi inuenienda; anima enim nostra meretur dum est in corpore, sed dissoluto isto neque mereri, neque demereri potest. compendium ergo omnium bonorum ipsum appellantes laudemus eum, & exultantes in
 nomi-

nomine eius psalmum dicamus virtuti eius,
quia anima eius fuit sicut sponsa ornata vi-
ro suo, quæ benedictionibus Domini ple-
na fuit. cantate ipsi canticum nouum, quia
mirificauit Dominus seruum suum, sanauit
Domino dextera eius, & brachium sanctum
eius. brachium enim correctionis fraternæ,
in quo fecerat Deus potentiam faciendi mi-
rabilia, atque dextera misericordiæ eius &
amoris, quem in proximum habebat, ope-
rabantur mirabilia & sanando Domino gen-
tes multas à peccatis eas saluabant. sanaba-
tur omnis qui credidit in Deum, & quia sa-
nabantur Domino, ideo intus sanabantur.
non enim erant sicut illi, qui sanitate lasci-
uiunt, & cum ægroti neminem laderent,
humilesque & casti essent, sanati pauperes
opprimunt, superbique & adulteri fiunt. isti
verò sanati interiùs in nouum hominem re-
formabantur. notum fecit salutare Domini
in conspectu gentium, & iustitiam eius re-
uelauit: quia prædicans infidelibus, adducen-
do timorem iustitiæ Domini, fecit ipsos
fermentum vetus, vt dicit Apostolus, depo-
nere, & nouum hominem assumere. iubilate
ergo ipsi omnis terra, cantate & psallite:
psal-

psallite non voce sola, sed assumite & opera, & canite in cythara & psalterio, cantate in tubis ductilibus, & voce tubæ corneæ. & sicut tubæ æreæ & ductiles rundendo & vapulando fiunt, ita nos tribulationibus Dei affecti & contusi, imitantes Iob, non ut volebat vxor eius, maledicamus Domino, sed ut ipse Iob faciebat, benedicentes ei psalmum dicamus nomini eius, & laudemus eum in Sanctis eius, & præcipuè in seruo suo, qui non solum se ornando tabernaculum Deo parauit, sed etiam ornando vestem

Secunda
pars.

Quæ vestis
quæ
quærit.

sacerdotalem. ut autem videamus quomodo à Sancto nostro ornetur sacerdotalis vestis, videndum primum quæ sit ista vestis, relinquentes verò multas expositiones diuum tantum Augustinum & Hieronymum considerabimus, & eorum expositiones accipiemus; ut autem sciamus sacerdotem, qui induitur hac veste, audiamus Dauidem psalmo 109. dicentem Deo, tu es Sacerdos in æternum secundum ordinem Melchisedech. vestis verò Christi dicitur esse caro, teste Diuo August. lib. de essentia diuinitatis circa finem. vnde Esaiæ 63. dicitur, quis est iste qui venit de Edom tinctis vestibus de

Bosra,

Bosra, Apostoli etiam dicuntur esse vestimenta Christi, vt idem testatur August. in Ioannem; & Diuus Hieronymus in Esaia, sanctos esse vestimenta Dei similiter vult. & 3. ab eodem habemus commento psal-
mi 97. quod gentes sunt vestimenta Dei: vnde etiam hereditas appellantur, dicente propheta psalmo 20. & dabo tibi gentes hereditatem tuam. videamus ergo quomodo noster iste aduocatus ornauerit carnem humanam, Apostolos & Sanctos, atque tertio ipsas gentes. pratermitto enim declarare quomodo ornauerit Ecclesiam Domini, vt dictum supra, immo necessarius pene fuerit illi; ipsa enim etiam vestis Dei dicitur, quæ per fidem & dilectionem ei coniuncta est; teste August. libro de essentia diuinitatis. vnde scriptum est psalmo 92. Dominus regnauit decorem indutus est, & in 103. psalmo ad ipsum Dominum, confessionem & decorem induisti amictus lumine sicut vestimento, vnde Paulus scribens ad Ephesios 5. inquit, fuistis aliquando tenebræ, nunc lux in Domino: & alibi, vt exhiberet sibi gloriosam Ecclesiam, non habentem maculam, neque rugam: vestis enim Christi

H deal-

De qua
acceptio-
ne loqua-
tur.

dealbata significat Ecclesiam peccatis munda-
datam, teste eodem August. alibi. Relinquen-
tes ergo hoc significatum nos conferamus
ad primum. quomodo ergo, dicit quis, orna-
ta fuit à Diuo Hyacintho caro? antequam
hoc quæramus, videre debemus, quid erat
ornamentum ipsius. & quia caro omni gra-
tia plena, quæ naturæ ipsius conueniens fue-
rat, ornata extiterat, per peccatum verò
Adæ infecta fuit; ideo ipsa ornari poterat,
si quod peccatum abstulerat, ei reddebatur:
peccatum ergo fecit, vt tribus maledictio-
nibus, quas iaculatus est in carnem Deus,
Adam dignus esset. vnde prima data fuit
mulieri, vt cum corruptione conciperet,
cum grauamine portaret, & in dolore pa-
reret. secunda data est homini, vt scilicet in
sudore vultus sui vesceretur pane suo. tertia
fuit communis mulieribus & viris, vt scilicet
cùm puluis essemus, in puluerem reuerti de-
beremus. quantum ad primum autem, dicit
Diuus Bonauentura secundo Sentent. di-
stinctione 20. quod in statu innocentiae
fuiſſet quidem integritatis corruptio, sed si-
ne pœnali passione, aut fœda delectatione;
declarans illa verba August. 14. de ciuitate
Dei

Dei cap. 20. quòd scilicet maritus commi-
 sceretur vxori sine integritatis corruptione,
 immo quia semper ordinatè & congruenter
 cognouisset vxorem suam, semper filios ge-
 nerasset, quotiescunque illam cognouisset,
 & æqualiter scēminas & mares suscepisset,
 teste eodem paulò inferius, & hoc etiam
 nobilitas satis ostendit: nam teste Diuo
 Thoma prima parte quæstionibus 14. &
 95. &c. vidit Deum per essentiam in illo
 raptu, in quo vidit etiam incarnationem
 verbi, & damnationem generis humani pro-
 pter peccatum, licet non cognouerit se pec-
 caturum: semper verò excellentiori quadam
 ratione Deum vidit; vnde August. 2. de Ge-
 nesi ad literam dicit, quòd fortassis Deus
 cum hominibus antea loquebatur, sicut cum
 angelis loquitur illustrans mentes eorum, et-
 si non tanta participatione diuinæ essentiæ,
 quantam capiunt angeli: & cum in statu il-
 lo corpus esset totaliter animæ subditum, &
 in gratia creatus esset homo, omni scientia
 rationabiliter, dum in gratia mansit, fuit ple-
 nus, & omni virtute: neque decipi potuisset
 falsa pro veris sumendò, vt vult Diuus Au-
 gust. 3. de libero arbitrio, cap. 12. quantum

H 2 ad

ad secundum habetur per eundem Diuum Thomam, quod licet in statu innocentiae homo cibis indiguisset, tamen absque labore per lignum vitae immortalitatem consequutus fuisset: quam, si non peccauissent, possedissent; vt & Diuus Thomas ibidem, & Scotus, atque D. Bonauentura dist. 19. testantur. ynde Apostolus ad Romanos 5. per vnum hominem intrauit mors in omnes; & cap. 8. propter peccatum corpus mortuum est. videndum ergo est, quomodo Diuus Hyacinthus fideles istis tribus maledictionibus liberauit. cum ergo per opera siue bona siue mala intelligamus filios, teste Diuo Aug. in psalmum 122. & Diuo Hieronymo in Iob cap. 20. noster verò Sanctus causa fuerit, vt opera quæ cum dolore pariebantur, in iubilatione fierent; propterea ipsum causam fuisse, vt filij non parerentur cum dolore, asserere debemus. quod autem hoc fecerit, multis claret rationibus: nam multos eripuit de manu diaboli, & cum filios diabolo parerent in dolore, nam vt dicit Diuus Aug. in psal. 139. in omni opere malo labor est, fecit eos parere filios Deo in iubilatione. quia post opera bona nos requie-

S. Hyacinthus liberat fideles à tribus maledictionibus.

quieturos, sicut Deus post opera sua bona
 requieuit, testatur idem Aug. lib. 4. de Ge-
 nesi ad litteram. vnde Matth. 11. dicebat
 Christus, venite ad me omnes, qui laboratis
 & onerati estis, & ego reficiam vos: ad pec-
 catores autem oneratos loquitur. & de ma-
 lis operibus dicitur psalmo 4. filij homi-
 num vsque quo graui corde, vt quid dili-
 gitis vanitatem, & mendacium quæritis. &
 Ieremiæ 6. dicitur, docuerunt linguas suas
 loqui mendacium, vt iniquè agerent, labo-
 rauerunt. & psal. 7. ecce parturiuit iniusti-
 tiam, concepit dolorem, & peperit iniqui-
 tatem. quòd verò in bona opera mala ver-
 terit, clarissimum est ex prædicationibus suis,
 quibus iugum Domini fecit multos accipe-
 re, & deficere spiritum ipsorum à diabolo,
 cuius serui ante erant, dicat & diabolus ip-
 se, qui cum à tota prouincia expulsus esset,
 neque potuit in pace locum possidere,
 quem in medio fluminis vnus in perparua
 quadam insula Dominus possidere solebat,
 ibi enim per templum cuiusdam idoli vene-
 rabatur; sed Hyacinthus eo accurrens, ne-
 que nauigium inueniens, tertio flumen au-
 xilio vestis suæ siccis pedibus transiuit; atque
 com-

Diabolus
 expulsus
 à prouin-
 cia.

Tertio tra-
 sic flumē.

comminuto idolo, id est, baculi sui iāu de-
 iecta & comminuta magna quadam arbore,
 quam ipsi pro Deo colebant, quas inuene-
 rat gentes, ad fidem Domini conuertit. isti
 enim se Christi legi initiaturos promiserant,
 si, quod factum est, euenisset. nec contentus
 hoc visibiliter diabolus, qui & ipse super
 Boristhenem ambulans corpore sumpto,
 Hyacinthumque de illa conuersione incre-
 pans illi occurrerat, ita terruit, vt fugam
 ipse arripuerit: quem ipse insecutus est cor-
 pus illud verberibus semper afficiendo, quo-
 usque vidit eum. dicet etiam hoc filius illius
 mulieris, quæ cū propter negligentiam ba-
 ptismum in quintum diem distulisset, causa
 poene fuit iacturæ ipsius: non baptizatus
 enim mortuus est, & non solum illi reddidit
 vitam Hyacinthus, sed etiam & animam iu-
 re debitam ē manibus diaboli eripuit. testa-
 bitur idem etiam Vandalus flumen, qui cum
 vitæ pessimę seruum cuiusdam presbyteri oc-
 cidisset, Hyacinthus vitam restituens illi,
 animam etiam ab inferis liberauit. testabun-
 tur idem & duo partus abortiui vnus mulie-
 ris vna vice suscepti, quibus vita restituta
 est, & per consequens anima liberata: que-
 rum

Plures à
 morte ex
 citati.

Partus
 informis,
 & defor-
 mis for-
 matus &
 pulcher
 redditus.

rum alteri etiam forma pulcherrima donata est, cum potius carnis informis vel vrsini partus, quam hominis formam gereret. testabitur & serua illa Hyacinthi, cuius anima mortuæ à sancto primùm à diabolo & à duobus Aethiopibus eam ad inferos ferentibus liberata est; deinde verò & corpori restituta ipsius: quæ mulier cum simul & liberationem animæ, & corporis, & sanitatem recepisset, etiam visione, quæ has liberationes ipsi manifestauit, per os Diui Hyacinthi digna iudicata est. testabuntur tandem 39. mortui, & 15. pueri abortiui, quibus vitam dedit; quorum animas etiam sæpe ab inferorum pœnis liberauit. & ita patet, quod faciendo mala opera illorum bona fieri, à dolore partus liberauit mysticè. cum tamen etiam verè viginti tres mulieres à dolore partus liberauerit: sed etiam dolorem conuertit in lætitiā alia ratione, scilicet efficiendo filios diaboli, qui similes erant ipsi in operibus suis, filios Dei: namque ut habetur per Diuum Augustinum, filij Dei sunt, qui præcepta Dei obseruant, & pacifici sunt. vnde Christus apud Matth. 12. qui facit voluntatem patris mei, ipsi fratres mei,

&

Anima
ab inferis
liberata.

Mulieres
à dolore
partus li-
beratæ.

& filij mei sunt . & cap. 5. beati pacifici ;
 quoniam filij Dei vocabuntur . Diuus verò
 Hyacinthus conuertendo eos ad Deum
 suum, liberauit eos à possessione dæmonis,
 & per consequens à superbia regina om-
 nium vitiorum, atque firmando ipsos in
 seruitio Dei, eos similiter firmos reddidit
 in obseruatione præceptorum eius. quare à
 dolore partus & ab omni labore liberauit :
 omnis enim bona operans non laborat, sed
 solùm, qui in seruitio diaboli manet . quare
 liberauit eos à duabus primis maledictioni-
 bus : & insuper etiam à tertia eos immunes
 reddidit, scilicet à morte, cùm illos duxerit
 ad veram vitam, quæ Christus est, dicente
 ipso, ego sum via, veritas, & vita ; & à
 morte liberauerit, scilicet à peccato, quæ ve-
 ra mors est, vnde 4. Esdræ 6. & videbunt
 qui recepti sunt homines, qui mortem non
 gustauerunt à natiuitate sua . & psal. 6. non
 est in morte, id est, in peccato, qui me-
 mor sit tui, & psalmo 12. illumina oculos
 meos, ne vnquam obdormiam in morte :
 tertiò liberauit à morte, quia causa fuit, vt
 Dominus à morte liberaret ; amicos enim
 Deo reddidit, sed super amicos Domini, vt
 habetur

habetur psal. 32. & 33. sunt oculi Domini .
 & hoc, vt eruat à morte animas eorum, dicit
 propheta, & alat eos in fame, & Diuus Ia-
 cobus in epistola sua cap. 5. Fratres mei, si
 quis ex vobis aberrauerit à veritate, & con-
 uerterit quis eum, scire debet, quoniam qui
 conuerti fecerit peccatorem ab errore viæ
 suæ, saluabit animam suam à morte, & ope-
 riet multitudinem peccatorum. nemo ergo
 dubitare debet, quòd Diuus Hyacinthus,
 qui conuerti fecit per prædicationem suam
 Septentrionales multas & Orientales regio-
 nes, non saluauerit animam eorum à morte,
 operiendo multitudinem peccatorum ipso-
 rum. & rursus dicitur eos liberaſſe à morte,
 quia liberauit à peccato, vt enim dicit Diuus
 Iacobus cap. 1. concupiscentia cum con-
 ceperit, parit peccatum, peccatum verò
 cum consummatum fuerit, generat mor-
 tem. Clarissimum est ergo diuum Hyacin-
 thum à tribus illis maledictionibus multos
 populos liberaſſe fretum meritis crucis Do-
 mini & passionis ipsius. Restat modò con-
 siderandum hoc, quomodo scilicet Sanctos
 & Apostolos ornauerit. Finis sanctorum est
 placere Deo, & causa ornamentorum, quæ

I pos-

possident, est amor Dei. clarum ergo reddendo amorem Dei, & legem ipsius amplificando, atque praecepta eius vera esse ostendendo gentibus quibus praedicauit, dicitur causam ornamentorum ipsorum sanctorum claram & lucidam reddidisse. adde quod multa exempla sanctorum afferendo, dum illis infidelibus praedicabat, ipsos sanctos conatus est, quam maximè potuit, exaltare atque extollere. sciunt hoc Russiæ cultores, qui fidem Christi, quam à Sancto Andrea Christi Apostolo acceperant, & reliquerant, (licet alius velit illos hoc habuisse ab Apostolis Bartholomæo atque Tadæo) à sancto hoc iterum acceperunt quod idem sciunt & Ruthenij, Mosci, Liiones, Scythæ, & infinitæ aliæ tum Orientales, tum Boreales regiones. Sanctos tandem dicitur ornasse, quia multos discipulos Sanctos habuit, & ipsos virtutes docendo seruos Dei fecit, virtutes enim & humilitas, nec non bona moralia, (teste Aug. in epistola de ornamentis mulierum, & Hieronymo in regula monachorum) sunt vera ornamenta seruorum Domini, & Sanctorum in via. testabuntur infiniti Sancti, quos discipulos habuit, & quibus iuue-

Prædicationes S.
Hyacinthi mul-
ti denuo
fidem am-
plectun-
tur.

iuuenibus, vt dicit Apostolus, tanquam lac
 potum dedit. deinde verò aluit cibo soli-
 diori, cum id ferebat tempus & occasio; &
 tandem imitatores sui ipsos reddidit, & san-
 ctos Domino parauit. dicent præcipuè præ-
 fules tres, scilicet Gerardus primus Ruthe-
 nis, Vitus primus Lituani, Meinardusque
 primus Liouoniæ dati Episcopi. Apostolos
 etiam exaltauit, quia primos conuersores fi-
 dei, scilicet Andream, & alios dictos ma-
 gnos, & magna doctrina præditos eos osten-
 dens, honorificauit. & præterea cum ipsi
 propter prædicationes & labores, quia ar-
 cta est via, quæ ducit ad cælum magni, &
 sancti effecti fuissent, labores illorum ipse
 redintegrando, clariores populis illos red-
 didit. adde, quòd cum factum ab Apostolis
 & ipse fecerit, & sicut Apostoli à Christo
 missi fuerunt, ita ipse iussu Dei, B. Virginis
 iuerit ad diuersas regiones prædicans, nouus
 Apostolus effectus est. non dedignabimini
 autem ò beati Apostoli Domini ornari cho-
 rum vestrum à tali gemma, qualis Hyacin-
 thus est; cum & digiti Domini ipso ornen-
 tur. manus enim Domini tornatiles plenæ
 hyacinthis. ornauit ergo Apostolos, sed &

I 2 orna-

ornauit etiam tertio gentes, immo ipsis necessarius fuit, quia ipsas optimè vestiuit, tradendo eis virtutes; verum enim ornamentum est fides Christiana, quæ ornat totum hominem virtutibus diuersis, & vestem nuptialem ipsi dat, scilicet charitatem, sine qua, dicit Apostolus, licet loquar linguis hominum & angelorum, & vt breuiter dicam, omnia bona fecerim, nihil sum. Fides ergo, quæ prima debet esse & præcipua, & quæ apprehenditur baptismo, & sine qua nullus potest introire cœlum, quasi gemma lucidissima caput ornauit eorum, quibus eam tradidit Hyacinthus. spes verò, cui sicut anchoræ naui, innititur tota salus nostra, pectori decori est; quia in tenebris tribulationum etiam locum habet. & sicut anchora transiens aquas etiam in arena figitur, ita spes per aquas misericordiæ Domini transiens, etiam in terra non firma, id est, in homine non sancto radices suas ponit. opera in amore Dei & timore ipsius facta, quasi pulcherrimi annuli, manus ornant. fraternus verò amor pedes vestit & pulcherrimè contegit, faciendo eos sedulos etiam ad auxilium præstandum inimicis. præcipit enim nobis

nobis Christus, vt beneficiamus eis, qui
oderunt nos. quare isto amore ita vestiti
parauerunt sibi per hunc amorem Dei, ope-
ra misericordiæ, quæ sunt quasi pallium
pulcherrimum, quod maculas vestis tegit:
eleemosynis enim peccata redimere debe-
mus dicebat Daniel, & Iob testatur eleemo-
synas operire peccata, ita parauerunt sibi
gladium doctrinæ, & scutum sacram scri-
pturam habuerunt: quibus armati potuerunt
contra hostes Christianæ Ecclesiæ sermo-
num sagittas mittere, & loquela ipsos feri-
re. ita ergo ornati fuerunt illi plurimi qui-
bus fidem Catholicam prædicauit Diuus
Hyacinthus, atque præcipuè illi quos in di-
scipulos habuit, qui exultant in Domino &
lætantur, quia merces eorum copiosa est in
cælis. exultate & lætamini in Domino, iu-
stos enim decet collaudatio. laudate Deum
& extollite eum, præcipuè in Sancto suo
Hyacintho. videte eum plenum gratiæ, quia
apud Dominum acceptissimus est, atque
veritatis. iubilate ipsi omnis terra, psalmum
dicite nomini eius, nomen enim sanctum
est, nomen dulce, & nomen cuius sono de-
lectatur etiam mater Dei dicens, Gaude fili
Hya.

Hyacinthe, date gloriam nomini eius, dignus enim est omni laude, & illum decet hymnus. propterea sumite psalmum, & date tympanum & psalterium iucundum, cytharas pulsare, dicite ipsi, quàm terribilia sunt opera eius; propterea omnis terra adoret eum, & psallat illi, psalmum dicat nomini eius: quid enim admirabilius ipso? aut quid fraterna charitate illius illustrius? ostendit Hyacinthus quantæ dignitatis sit homo, qui gloria & honore coronatus est; cum ipse tot virtutibus præditus fuerit; qui non horruit tyrannorum facies, neque criminationes humanas, sed pro voce respondens & ad studia cohortans, verbis suis diabolica blasphemantium conclusit ora. non enim teste Apost. 2. ad Tim. 1. dedit Deus seruis suis spiritum timoris, sed virtutis, dilectionis, & sobrietatis. nemo insidiatores suos & inimicos ita dilexit, aut beneficus in afflictores suos fuit, ut ipse. cum enim propter Deum illa pateretur, non confundebatur, quia sciebat cui crediderat, & certus erat, quia poterat depositum suum, ut dicebat Apostolus, id est merita sua, & mala passa seruare habens eorum memoriam in æter-

Psal. 8.

D. Chry
sostomus.2. Tim.
1.

æternum, quare licet multos æmulatores vir-
 tutis suæ contra se videret iniuste insurgen-
 tes, tamen cupiens salutem ipsorum, quo
 magis insaniebant ira feruentes, sicut pater
 qui filium furem videt, tanto maiori mi-
 sericordia viscera eius mouentur, quanto
 maiori phrænesi videt filium correptum
 etiam in patrem suum iras exercere; ita Hya-
 cinthus licet videret furentes in se populos,
 non tamen abstinere se quin tentaret si qua
 ratione posset ad verum splendorem ipsos
 ducere, atque quo magis ira percitos in se
 ipsum videbat, tanto maiori misericordia
 motus etiam maiori desiderio correctionis
 ipsorum efferuebat. vt enim testatur Apосто-
 lus 2. ad Tim. 2. seruum Dei non oportet li-
 gare, sed mansuetum esse ad omnes docto-
 rem patientem, cum modestia corripiens
 eos qui resistunt, si quando det Deus illis
 pœnitentiam ad cognoscendam veritatem,
 vt resipiscant à diaboli laqueis, à quo capti
 tenentur ad ipsius voluntatem. & quasi to-
 tum mundum genuisset, ita currebat & fe-
 stinabat omnes in regnum Dei inducere, do-
 cendo, orando pro ipsis, tum etiam ipsis
 supplicando, & terrendo, & dæmones cor-
 rupto-

ruptores animarum fugando, iacentes extollebat à cœno peccatorum & à puluere iniquitatum lauando eos in aqua salutari in viam virtutis ducere conabatur, infirmos sanabat, in peccatis positos seruos frugi Deo reddendo, & naufragos per secundam pœnitentiæ tabulam multoties liberando. torpentes & hæsitantes in fide ita oleo exhortationis animabat, vt ad omnia paratos redderet. & tandem summi medici officio vsus & superflua refecabat, diminuta augere contendebat. & sicut medicus se peritissimum ostendit, dum aliquando frigida, aliquando calida, aliquando amara, aliquando verò dulcia vult ægrum haurire; & sicut peritia facit, nam aliquando refecat, aliquando verò augere conatur, aliquando aperire, aliquando verò vulnus claudere; ita Hyacinthus maximam præstantiam suam ostendit; quia contrarijs tempestiuè vtendo optimè sanabat infectos morbo peccati. quare non mirum est, eum aliquando mortem desiderare, vt dissolutus cum Christo esset, aliquando vitam, vt doceret: modo persecutiones charas habere, vt mereretur, modo horrere, ne impediretur ad docendum: modo martyrium

tyrium desiderare, vt pateretur pro Christo, modò non quærere, vt plures docendo seruos Domino inueniret: modò summè videbatur efferuescere contra peccatores, modò placidissimus propter bonos conspiciebatur: modò furentes frigida humilitatis aqua retrahebat, modò verò pigros incitabat calido amoris Dei igne: modo refecabat iniquitates, & modo addebat virtutes: aliquando dulcia corpori ad refocillationem concedebat, at aliquando amara tantùm ad pœnitentiam sumi volebat: certè ita egregius rerum contrariarum conciliator fuit, vt neminem vel paucos æquales habuerit: nos quidem pro mercede proposita certamus, sed ille bella complexus etiam sine premio Deum diligebat, cuncta illa, quæ asperitate sui videntur impedire virtutem, cum omni magnanimitate perpetuens. cum non terruerunt tyrannides non impediuerunt infirmitates corporis, non retardauerunt circumstantium vndique negotiorum multitudines, & non tandem ergastuli huius sarcina ei alicui fuit vnquam impedimento: sed cum corpus obediret animæ, quotidie celsior, quotidie ardentior assurgebat, &

K inten-

intentis sibi periculis noua semper alacritate pugnabit. itaque cum inter medias inimicorum versaretur insidias ouans, de omnium eorum impugnatione referebat victorias, & affectus iniurijs & maledictis, quasi benediceretur & honoraretur feruentiori spiritu orabat pro inimicis, quàm alij pro amicis facerent, aut contra inimicos. paupertatem elegit libentiùs, quàm alij diuitias facerent: laborem potiùs, quàm requiem elegit: merorem potius, quàm voluptatem: & confusionem & iniurias nec non calumnias & calamitates potius, quàm ad oblectamenta eorum, quæ bona videntur & sensualia sunt, properabat. quis enim, inquit Diuus Bernardus, videns Christum suum sertis spineis caput circum datum, flagellis concussum, lanceæ vulnere pectus apertum ostendentem, & clauis infixum manus & pedes, atque tandem Deum crucifixum, quis est qui videat summi motorem cæli potentissimum, licet propter nimiam tamen charitatem factum obedientem, vt dicit Apostolus, vsque ad mortem, mortem autem crucis ignominiosam, quis est, qui videat saluatorem, in quo, vt dicit Esaïas, à capite vsque ad pedes non est

est sanitas, crucifixum propter ingratum hominem nolentem sequi ipsum, ut saluum faceret eum, qui spiritualiter à capite usque ad pedes nullam sanitatem habebat, ut idem Esaias testatur; & non profundat lachrymas, non laboret, & mortem potius, quam vitam desiderans non fugiat voluptates atque omnia oblectamenta corporis, & ut hostes inimicissimos non habeat. talis certè fuit Hyacinthus, qui propter Dominum nihil asperum in hoc mundo putabat, nihil etiam suaue propter Dominum suum, qui sic eum dilexit, ut dignum omni gratia iudicauerit, seruum sibi elegerit, decorem orbis terrarum fecerit, & super omnes pene extulerit. ita ut sicut nullus fuit similis illi in oratione, ita similiter nullus similis fuerit in operibus. miracula enim sunt gratiæ per orationes sanctorum fidelibus concessæ. si Christus mortuos suscitauit, paralyticos sanauit, hydropicos curauit, & multis generibus alijs morborum illos, quos uoluit, liberauit: & Hyacinthus multo maiora fecit imitatus suum magistrum, qui dixit, quòd si habuerimus tantam fidem, quantum Matt. 17.
est granum sinapi, dicemus monni huic va-

Non mi-
nora con-
spexit,
quam S.
Paulus.

de illuc, & ibi: & alibi testatur, quod si
eum imitati fuerimus, multò maiora, quàm
ipse, fecerimus, certè Hyacinthus ad mille
miracula, quæ scimus, operatus est: pro-
pterea eum in mirabilibus non esse alicui
inferiorem dicam. si Paulus ad tertium vs-
que coelum raptus est conspecturus quæ nec
oculus vidit, nec auris audiuit, nec homi-
num aliquis cogitavit: & iste crebras per re-
velationes ad extasim ductus ad Empyreum
vsque coelum, vt mihi persuadeo elatus, non
minora quàm Paulus conspiciebat, reuela-
tiones multas recipiens: hocque cum fieret
sæpe, sæpe quoque spiritum eius inter bea-
tos Deum considerare quasi compræhenso-
rem crederem. Si Stephanus pro persecu-
toribus orauit, & Paulum Ecclesiæ acqui-
siuit: & iste prædicans in medio gentilium,
magnas tribulationes atque persecutiones
passus, (quia teste Paulo 2. ad Tim. 3. om-
nes, qui piè volunt viuere in Christo Iesu,
persecutiones patiuntur) orans tamen pro
persecutoribus, & illis cum reliquo populo
bonum suadens, non vnum sed infinitos
Deo & Ecclesiæ sanctos acquisiuit. Si Chri-
stus fatentes mortuos suscitauit: Hyacinthus
quo-

quoque non dedignatus est, precibus seruo-
rum suorum motus, reddere vitam iuveni
cuidam propter nimiam crapulam defun-
cto: qui vita donatus ab hoc Sancto oran-
tibus parentibus suis petijt fascias funerales
exolui, & post multum temporis à morte
quasi nouus Lazarus resurrexit. si magister
eius Dominicus reddidit animam corpori
cuiusdam, qui ea per annum priuatus fuit,
& iste illis qui nunquam perfectè habuerant,
& cum vsu rationis reddidit eam, & corpo-
ra insuper refecit: vt in pueris aliquibus pa-
tet; qui cum ante tertium mensem, vel sal-
tem multò plus antè quàm oportebat mor-
tui emissi essent, vita illis ab Hyacintho
reddita. si Petrus vmbra sua languentes sa-
nabat: & iste dignus à Deo iudicatus est, vt
fideles & serui illius nomine tantum eius in-
uocato mortuos resurgere facerent, scit hoc
mulier illa, quæ cum infantem filium suum
in vase aqua pleno reliquisset, ipse verò suf-
focatus esset, viuum tamen eum recepit
Hyacinthi tantum nomine inuocato ab ea
cum marito suo. sciunt & multi alij, qui
per votum Diuo Hyacintho factum, & pre-
ces suas mortuis multis vitam impetrarunt?

inter

inter quos numeranda est mulier illa rustica, quæ puerum in flumine quodam suffocatum, & propter cursum aquæ vix inuentum, precibus Hyacintho fusis recepit viuum. quemadmodum & ille qui alio flumine occisus est, & ita deformis redditus, vt à matre non cognosceretur, & vitam auxilio Hyacinthi recepit. addamus etiam puerum illum, qui cum in puteum cecidisset, & à brachijs matris ereptus à quibusdam mulieribus socijs illius, vt materia doloris auferretur, ipsæ voto facto Diuo Hyacintho vitam pueri ab eo impetrarunt. vt autem ostendamus, quod propter prædicationes suas multos Apostolorum quia honorificauit, eos etiam amicos sibi comparauit; hoc etiam miraculum subiungemus, prætermittendo multas alias mortuorum resurrectiones per intercessionem Diui Hyacinthi factas, de quibus superius etiam diximus. cum ergo mulier quædam propter asperas mariti illatas tribulationes & conuicia filium suum, crudeliter negando illi lac, mortem cum vita commutare coegisset; tandem materno mota affectu, Deo ita volente, resipuit, & dolore maximo propter

pter mortem filij affecta, incepit omnium
 sanctorum, & præcipue Diui Andreæ, cuius
 festum illo die celebrabatur, auxilium po-
 stulare. quare vel dolore & lachrymis lassa-
 ta, vel natura eam cogente, vel Deo ita iu-
 bente, somnus artus illius occupauit. atque
 in somnis vel potius in visione vidit Diuum
 Andream quemadmodum depingi commu-
 niter solet, qui ei iussit, vt votum faceret Di-
 uo Hyacintho, atque ipsi se commendaret:
 quem cum negaret mulier se cognoscere, &
 fortasse nunquam audiuisset nomen ipsius, ip-
 se corpus eius Cracouiæ in Ecclesia Sanctis-
 simæ Trinitatis affirmavit manere, & mul-
 tis miraculis clarere. ipsa autem facto voto
 protinus viuum: filium suum recepit. si Pauli
 vestes diabolus terruerunt, & à morbis plu-
 res gentes per contactum liberauerunt: &
 hoc idem fecerunt nomen Hyacinthi inuo-
 catum, atque vestes, nec non sepulchrum,
 ad quod multi à dæmone vexati, & à diuer-
 sis morbis, cum iuissent, liberati sunt. quid
 plura dicam, si de omnibus ab eo factis men-
 tionem habere voluero, nunquam sermo-
 nem meum terminabo. propterea istum su-
 per omnes efferam, si non propter aliud
 saltem

saltem propter orationes, & miracula, vel
certè in istis nulli inferiorem dicam. iste
non absimilis est vasi illi, quod vidit Hie-
remias in domo figuli, quod pulcherri-
mum erat, at per casum contritum cùm es-
set, pulchrius deinde per additionem pau-
xilli aquæ à fabro illo redditum est. Hya-
cintus enim etiam in ventre matris pul-
cherrimus erat, tum quia Deus eum præde-
stinaverat & elegerat à ventre matris suæ,
tum quia naturæ excellentissimæ erat. sed
cum in misérias huius mundi cecidisset, quia
teste Iob cap. 13. homo natus de muliere,
breui viuens tempore, multis repletur mi-
serijs; propter peccatum originale fractus
erat. sed Deus factor ipsius per additionem
aquæ Baptismi, rotans eum rota tribulatio-
num, quia rotantur inimicis animæ 1. Re-
gum 25. pulcherrimum eum reddidit. &
quia eum fecit Dominus, ideo vt idem di-
cit Ieremias placuit oculis Domini: inue-
nerat enim Dominus virum secundum cor
suum. iste dici potest arcus ille cælestis pul-
cherrimis coloribus refertus, qui Noe da-
tus est in signum, quòd Dominus nollet
ampliùs aquis mundum destruere. si enim
in

in hoc arcu quæris rubedinem, charita-
tem & amorem Dei inuenies: si viriditatem,
spem eius in Dominum: si albedinem, fi-
dem non maculandam neque aliqua ex par-
te maculatam ab eo. vel conspicias rube-
dinem amoris fraterni, viriditatem scien-
tiæ, candorem castitatis: vel rubedinem
ignis comburentis & inflammantis proxi-
mum ad Deum sectandum, viriditatem
desideriorum celestium semper in eo flo-
rentium & viridorum, mitis humanitatis
& patientiæ candorem, atque splendorem
virtutum eius. igniunt opera & poenitiæ
illius, virefcere faciunt exempla proximo
exhibita, candoremque animi donant ver-
ba eius. & hoc solis facit percussione ra-
diorum, scilicet summi Dei auxilio, qui
tribuit illi omnem gratiæ plenitudinem.
atque sicuti arcus ille in signum datus est,
quod Dominus aquis amplius nollet de-
struere mundum; ita Hyacinthus signum
fuit, quod Dominus nolebat illos aquis,
id est inferno & panis eius, vt antè fece-
rat, submergere. aqua enim infernum si-
gnificat, vt de hoc interpretatur concor-
dantia sacræ scripturæ locum Exodi 15:

L sub:

submersi sunt quasi plumbum in aquis vehementibus. & de poenis, quod sint aqua, habetur Iob 24. transeat ab aquis niuium ad calorem. istum dicam virgam Moysis quæ in serpentem vertebatur, dum autem eleuabatur virga fiebat, Hyacinthus enim scientissimus, quasi serpens, quo non datur callidior Gen. 2. docebat gentes, dum cum peccatoribus conuersabatur, qui terra sunt, atque serpentes magorum sicut illa comedebat, ita iste hæreticorum contradicentium scientiam doctrina sua dissipabat. quando etiam ad manus Domini redibat Hyacinthus, id est, dimissa scientia potentiam arripiebat, tum virga erat vigilans, & haud secus quàm virga, quam vidit Ieremias, minitans. qui tamen benignissimus non patiebatur sequi post hanc ollam succensam igni, id est, vindictam Domini. quia per orationes suas & exhortationes eam impediēbat. & sicut in virga Moysi facta sunt multa mirabilia, ut populus liberaretur à Pharaone: ita Deus qui in Moyse aliquando significatur hac virga, scilicet Hyacintho, multa mirabilia operatus est, ut liberaret à manu diaboli populum.

Iere. 1.

lum suum. & sicut illa diuisum est mare,
 & non deturpatus populus transiit illud;
 ita Hyacinthus causa fuit, vt populus suus
 posset hanc vitam transire non turpis effe-
 ctus. sicut illa tandem requieuit in arca
 Dei; ita Hyacinthus in cœlo omnibus gra-
 tijs plenus & gloria. hic ergo tot miracu-
 lis clarens ita à Deo honoratus & dignus
 iudicatus, vt tam magnus seruus Domini
 fieret, vt nihil suprâ. omnes certè beatos si
 non miraculis prætergressus est & anteiuit,
 saltem æquauit. nihil enim timens sic despi-
 ciebat vniuersa, vt solet herba putrefacta
 contemni. vt enim habetur 2. ad Tim. 2.
 nemo militans Deo implicat se negocijs sæ-
 cularibus, vt ei placeat cui se probauit. fu-
 rorem hominum & tyrannorum spirantium
 cædem velut culices existimabat. immo
 mortes cruciatus & supplicia desiderans,
 omnes iras populorum existimabat quasi
 auras ipsum reficientes. & calamitates quasi
 brauia, & dolores quasi præmia habebat di-
 cens omnia hæc propter Christum suauia
 esse; & tristitiæ quæ sunt nobis causa, læti-
 tiam & voluptatem illi parabant. vnde si-
 cut Paulus 2. ad Corint. 11. poterat dice-

L 2 re;

re; quis infirmatur, & ego non infirmor?
 quis scandalizatur & ego non vror? felix
 quem tu emendaueris Domine, & de lege
 tua docueris, dicit propheta psal. 93. &
 Diuus Paulus 2. ad Tim. 2. nam qui certat
 in agone, non coronatur, nisi legitime
 certauerit; & agriculam, antequam de fru-
 ctibus percipiat, laborare oportet. quid er-
 go comparabimus animæ ipsius? adaman-
 tem? cum esset fortior ipso. aut gemmas
 aurumue? cum multò pretiosior esset ipsis.
 mundumne totum forsan? non quidem,
 quia multò ponderosior & pretiosior erat
 anima ipsius. quod si volumus angelorum
 considerare sortem vel archangelorum, il-
 los vni prouinciæ superpositos eas guber-
 nasse cognoscimus: sed Hyacinthus non
 vnum hominem, non vnam ciuitatem, non
 vnam prouinciam, non vnum regnum, non
 vnam gentem, non dicam gubernauit, non
 rexit, non ad bonum suavit solummodo; sed
 multas gentes, & totum pæne mundum à
 manibus diaboli liberans, potius impulit &
 coegit atque traxit, quam hortatus sit ad su-
 mendum leue Domini iugum, atque aman-
 tissimi sponsi animæ suæ obseruare legem,
 &

Cui com-
 paranda a-
 nimæ S.
 Hyac.

& imitari opera : quæ ipse studuit omnibus viribus suis, nulla pericula timens, sed solam offensam Domini, imitari. & cum æmulus Christi (vt creatura potest) effectus fuisset, dignus etiam iudicatus est, vt non solum Dei tabernaculum, & vestem sacerdotalem, sed etiam ipsius Dei templum orna-
ret. quod vt ostendamus, debemus videre, quid templum Domini significet, templum ergo Dei, teste Theodoro in hymnum trium puerorum, quia est cæleste solium Dei, in quo sancti requiescunt, & quia Dauid teste eodem Theodoro in caput secundum lamentationum Hierem. vocat scabellum Domini templum eius, vnde psalmo 98. dicit, adorate scabellum pedum eius, per scabellum verò pedum Domini terram intelligimus; quia cælum thronus eius, terra verò scabellum pedum eius, terram templum Domini dicemus. etiam Cicero aliquid scripturalis veritatis cognouit, dicens in somnio Scipionis vniuersum esse templum Dei, Iouis enim omnia plena, dicebat Virgilius, & Lucanus, quidquid vides Iupiter est. sed istis prophanis prætermis-
sis, nam vt testatur Diuus Augustinus lib.

Tertia
pars.

Templi
acceptio-
nes mul-
tæ.

83. quæstionum quæstione secunda, templum Dei abusiue dicitur locus Dei, & non proprie. dicamus tertio significari templum Dei per animam fidelem. nam teste Augustino de natura & gratia contra Pelagianos cap. 64. ex autoritate Sixti Episcopi, templum sanctum est Deo mens pura, & altare optimum est ei cor mundum & sine peccato. vnde Diuus Paulus nescitis quia membra vestra, id est, spiritualia templum sunt Spiritus Sancti, 1. ad Corint. 6. videamus ergo breuiter quomodo Diuus Hyacinthus ornauerit cœlum, & terram, & animam suam. pater quomodo ornauerit cœlum, quia gemmam pulcherrimam, & lucentissimum hyacinthum in ipso, quasi auro ligari vellet, se collocauit in summo throno Dei. & non solum se ipso sed etiam multis alijs discipulis suis quasi pulcherrimis gemmis voluit & ornare & decorare cœlum magis, quam Luna, aut Sol, fidusue aliud ornaret. cum enim Sol luce sua, & splendore, & calore sit conspicuus; Diuus Hyacinthus ipsum supergressus est. namque amor Dei fuit tantus in eo, vt ipse non ignitus dici, sed ignis ipse appellari verè

verè posset : qui non adiumento aliquo terræ, quemadmodum Sol, sed ipse solus posset alios non dicam calefacere, sed ignire. quare tanto splendore propter hunc amorem perfusus est, ut illuminaret si non omnem hominem huius mundi, saltem multas partes orbis terrarum, quare non solum ipsam sedem Dei, & thronum ipsius, sed & scabellum pedum Domini illustravit. quæ tamen erant templum Domini, patet aperitissimè. prætermitto quod reliquijs suis, & corpore suo multa loca Septentrionalia ita illustravit, ut illustrissimas regiones reddiderit & præclarissimas. clarissimè enim ex alijs hoc apparet. quis enim pulchrior ornatus terræ, quàm homines pulchri, verè homines nec dæmone alterati, sed tales quales Deus eos fecit? Sed Diuus Hyacinthus, cum omnia mors peccati vastasset, & diabolus catenis suis omnes illarum regionum vinxisset, ipse eos liberauit, catenas fregit, carceres aperuit, compedes confregit, & omnino eos à labore committendi peccata, & seruiendi diabolo, liberauit, & ornatores terræ, ut ipse erat, fecit. cum enim ipsi propter creatio-

nem

Laus præ
clara S.
Hyac.

nem Domini, & quia anima rationali præ-
diti erant, & creaturæ Dei aliarum domi-
natores, ut dicit propheta in honore essent,
comparati tamen erant iumentis insipien-
tibus, quia boues diaboli facti erant, & la-
borantes sub iugo eius deficiebant; sed ip-
se eos reges fecit, quia seruire Domino re-
gnare est, & iugo quidem etiam ipse sup-
posuit Domini, sed iugo leui, nam iugum
meum, dicit ipse apud Matth. suauis est & le-
ue. quare per ipsos scabellum pedum Do-
mini ornauit, & quia tanquam puteus aqua-
rum viventium aqua gratiæ suæ concessæ
illi à Domino ita omnes purificauit, ut pul-
cherrimos Domino reddiderit, & oculis ip-
sius conspicuos, sed ante omnia animam
suam templum purissimum Domino fecit,
& ut alios posset ornare, ipse se ipsum pri-
mum ornauit. ò quàm admirabile ornamen-
tum, ò quàm conspicua pulchritudo, ò
quàm delectabilis splendor eius. quæris
modum, quo hæc sibi acquisiuit? audi eum.
noctes ferè omnes insomnes ducens, ora-
tioni operam dabat, atque non ut alij la-
xato spiritu, sed intensissimo amore in
Deum versus ita orabat, ut non viator vi-
dere-

deretur, sed beatus; qui laudes Deo caneret, atque incessabili voce, Sanctus, Sanctus, Sanctus, emitteret; quemadmodum cœli & vniuersæ potestates faciunt. Ecclesia verò pro cubiculo & oratorio utebatur: illuc ab itinere declinabat, illuc postquam comederat ibat, illuc post omnia facta sua gratias acturus Domino, vel eum pro se, vel fidelibus, fratribusque suis secundum carnem, ut dicebat Apostolus, oraturus. non alter fuit, qui supergressus sit eum charitate erga proximum, cum ipse mortem quidem cuperet propter desiderium, quod habebat videnti Christum, & laudandi eum; & tamen mortem etiam abhorrebat propter proximi utilitatem. unde assiduus in concionibus frequens in exhortationibus, & promptus in laboribus propter proximum captis erat: vidisti cubiculum eius, quàm sanctum erat, & quàm sancto viro dignum; sed videas & cubile, quod erat altare lapide stratum, quod pro cervicali lapidem requirebat, & habebat: quem tamen mollissimum Hyacintho reddiderat amor Dei, licet ipso rarò vteretur; namque somno

Esai. 6. in
Cantico
B. Aug. &
Ambr.

M nun-

Dormie-
bat cor-
pus, vigi-
labat cor.

Luc. 2.

Seuera pe-
nitentia.

nunquam indulgebat, nisi cum natura co-
gente somnus ipsum arripiebat: tunc enim
declinato corpore, ut diximus, quiescebat;
sed corpore soporascens mens vigilabat,
atque reuelationes quasi nouus Ioseph re-
cipiebat, vel, ut me iuuat credere, ut al-
ter Diuus Paulus, ad tertium coelum usque
euectus contemplabatur quæ nec oculus
vidit, nec auris audiuit, nec in cor homi-
nis ascenderunt. porro in edomando cor-
pore tam assiduus fuit, tam ferus in carnem
suam extitit, ut non solum somno, sed
etiam cibo eam summopere domaret. nam-
que sextis quibusque feriis, & septimis nec
non omnibus Beatissimæ Virginis & Apo-
stolorum magnisque alijs vigilijs, aqua
tantum & pane utebatur, atque de cibo
etiam reliquis diebus tantum detrahebat,
quantum vitæ sustentatio patiebatur. addi-
derat etiam ciliciorum macerationes, qui-
bus corpus similiter perdomabat. atque non
contentus istis, singulis noctibus ter ita se
catenis ad sanguinem usque percutiebat,
ut non solum locum, in quo orabat lachry-
mis potuisses videre madefactam, sed etiam
sanguine proprio, ita ipse corpus suum ma-
ceran-

cerando, & pro peccatoribus orando, omnibus virtutibus repletus non indignum habitaculum factus est ipsi Deo, sed templum Domini ornavit: & non solum hoc, sed etiam manus Domini. quia ergo nomine manus operatio intelligitur teste Aug. lib. 83. quaestionum quaestione 52. in psalmum 67. & manus similiter Dei pro potestate & virtute eiusdem sumuntur, teste eodem lib. 83. quaestionum quaestione 52. quia similiter manus Dei filius Domini dicitur, teste Diuo Hieronymo in libro de his quae scripturis attribuuntur, & Diuus August. lib. de diuinitatis essentia idem vult; ideo Hyacinthus ista quia ratione aliqua decorauit, dignus habendus est, ut de eo dicatur, quod manus Domini ornauerit. operationes Dei dicitur ornasse, quia si ipse maiora quam Dominus fecit, nonne ostendit (faciebat enim in virtute Domini omnia) potentiam Dei tantam esse, ut finis ipsius non posset reperiri. decorauit etiam opera Domini, quia narrauit illa populis nescientibus ipsa. clara tandem reddidit; namque cum ipse legem Domini secutus Dominum ita amauerit, ut paucos,

Quarta
pars.

Cum
virtute
Domini
faciebat.

M 2 vel

vel nullum superiorem habuerit, opera Domini & vocem ipsius, quæ Hebræos non mouit, eum mouisse ostendit: atque causa fuit vt alij similiter illis mouerentur, & sequentes Dominum magni in aula ipsius euaderent. quare & opera Domini ornauit, & quia in operibus eius semper apparuit potentia Domini, & sapientia quæ filij est attributum appropriatum; propterea etiam potestatem Domini & filium eius aliqua ratione dicitur lucidos reddidisse. propterea cui te ò Hyacinthe iustorum veteris testamenti vel noui audeam comparare? si enim ipsi virtutes conspersas habuerunt diuersas; & tu quasi in arca & in cumulo eas simul positas possedisti: fælix corpus tuum est, quia pro Domino laborauit semper & itineribus subeundis, & poenitentijs capeffendis, & prædicationibus agendis, & mille alijs laboribus non detrectandis. fælix anima tua quæ semper promptissima fuit in corporis gubernationem, atque regina optima & ferua similiter amantissima Dei sui semper fuit. ò quam excellens erat ignis quo efferuebat. ita magnus erat, colendissimi audito-

ditores, vt cum tota ignis esset anima eius, necessariò corpus combusserit & in cineres. & quia mortale erat, ex limo enim terræ eum formauerat Deus, in puluerem redire eum necesse fuit. mortuus est ergo, & requieuit in pace. sed non immemor suæ consuetudinis Hyacinthus, sicut similem non habuit in ratione viuendi; ita nec similem habere voluit in moriendo. quare cum violenta & pestifera febris lassaretur, dum ignis pestifera nimis continuatione incendij corporis robur ac vires absumeret, ipse primùm testamento facto, & fratribus suis relicto, quod habebat, præcipuè corpore suo sanctissimo, quod magnus thesaurus erat, atque veste sua, quæ purpura omni, omni auro, & omni lapide pretioso nobilior erat & pretiosior: cum liberaret à morbis, mortuos suscitaret, & dæmones pelleret, quæ illa non faciunt: relicta quoque regula sua obseruanda, & templis Dei colendis, virtutes ipsis commendauit, præcipuè obedientiam, castitatem, & paupertatem. sermonem verò exhortatorium ad ipsos diuina facundia habuit, do-

Gen. 10.

Deutero-
1 omij vl-
timo.

cens modum sequendi Deum, quem quia
 verbis meis rudibus complecti pulchre non
 possum, ideo prætermittam. his verò actis,
 media iam nocte ingruente, etiam prohi-
 bentibus fratribus à cubiculo, quod nun-
 quam proprium habuit, ad proprium se
 contulit, scilicet ad Ecclesiam, atque ibi
 laudibus cantatis, & confessione acta, &
 missa audita, viatico sancto refectus est, at-
 que horas canonicas cum multis alijs ora-
 tionibus recitavit deuotissimè genuflexus,
 & senex licet atque ægrotus, non tamen
 cilicium exutus, sed pectus tundens &
 multis cum lachrymis Deum orans, sancto
 tandem extremæ vñctionis oleo purificatus,
 ad cubiculum quod ante reliquerat, & ad
 molliorem lectulum se contulit: ibique
 personato psalmo, In Domino speravi non
 confundar in æternum, assistente Christo,
 & Beatissima Virgine, cum angelorum ca-
 teruis infinitis, postquam ventum est ad
 versiculum, In manus tuas commendo spi-
 ritum meum, creatori suo animam reddi-
 dit: quam summo angelorum gaudio in cœ-
 lum mater eius Beatissima Virgo tulit; &
 ibi, cum semper in vita Deum laudasset, ne-
 que

D. Hyacinthi cu-
 biculum.

D. Hyacinthi per
 feueratiam.

que destitit laudare . accurramus ergo & glorificantes eum , laudemus Dominum in Sanctis suis . nam sicut ij, qui cū triumphantes portant signa regalia , atque cum magno strepitu belli , instrumenti , & militis copia redeuntēs à bello , post magnam victoriam coronati vrbes ingrediuntur , eos visura tota plebs accurrit : ita accurramus & nos , namque magnus dux Hyacinthus ingreditur urbem , & patriam suam victo diabolo , & omnibus ministris & sectatoribus eius , triumphans , latus cateruis angelorum , & proprijs comitatus operibus , atque clangentibus angelis , & laudes eius personantibus , quia ipse magnus Domini seruus coronatus est , & post multas tribulationes , omnes læticias nunc percipit . vt enim testatur propheta psalmo 115 . qui seminant in lachrymis in exultatione metent . ipse qui in hac lachrymarum valle tribulationibus totus circumdatus , opera sua seminauit , messe Domini optima lætaturus est : quia gaudijs lætificatus æternis in cælo apud Christum suum , quo fruitur . vt enim testatur Apostolus 2. ad Corinthios 4. hoc quod in præsentimo-

Vehemē-
ter repre-
hendit
mortē ti-
mentes,
atque in-
culcantes.

Mors ni-
hil nocet.

momentaneum est & leue, in sublimitate æternæ gloriæ pondus operatur in nobis. Vbi nunc sunt illi, qui querula semper voce, mortem homini nocuam esse, atque corpus hoc sibi esse impedimento, asserunt? videant, & considerent Hyacinthi facta præclara, & ab hac malignissima obrectatione conquiescant. quid enim humano generi mors nocuit? quid verò virtutem corruptio corporis impediuit? iste nisi mortalis fuisset, non potuisset propter Dominum mori, neque tot pati: & præterea quomodo ita se potuisset exercere pro Domino suo prædicans & conuertens infideles ad fidem, nisi mortales homines fuissent? nihil ergo nobis nocet mors vbi voluntas prompta est. nonne iste mortalis fuit? nonne corpus habuit cunctis naturæ necessitatibus subditum? quid ergo vetuit eum illis, quibus floruit, splendere virtutibus? nullus ergo mæreat, quia mortalis sit, vel corpus corruptioni subditum habeat: quia tantus potest effici, quantus Hyacinthus. namque vnde illis talis emerfit & tantus? ex proprio, & ex Dei, & ideo ex Dei, quia ex proprio. non est

est enim personarum acceptor Deus ,
 Act. 10. & Diuus Paulus ad Romanos
 primo . quòd si dixeris , quomodo illum
 imitari possibile est , audias denuò Diuum
 Paulum prima Corin hios 4. & vndecimo
 dicentem imitatores mei estote , sicut ego
 Christi . ille Christi effectus est imita-
 tor , & tu nec Sancti : ille Domini , &
 tu nec serui : ille patris , & tu nec fra-
 tris ? studeamus ergo & nos similes eius
 fieri , nec istud impossibile putemus :
 quia talis anima , tale corpus , tales ci-
 bi , quales in eo fuerunt , in nobis sunt .
 si præpares animam , nihil est , quod ab
 eiusdem gratiæ te possit prohibere mune-
 ribus . ita suus fuit ille Deus , vt & tuus .
 ille idem te formauit , qui & illum , &
 pater misericordiæ idem est . non enim
 proponas mihi mortuos , quibus ipse vi-
 tam dedit , neque alia miracula , quæ ip-
 se virtute Dei operatus est : nihil enim
 à te horum requirit Deus : sed habeas
 charitatem illius perfectam , & corona-
 beris . neque solùm magnitudinem & emi-
 nentiam in illo consideremus virtutum ,
 sed & naturæ societatem , per quam & no-
 bis

Nos Dei
 auxilio
 multa pos-
 se .

Repetitio
partiū ora-
tionis.

bis in cunctis ille participat. & eandem coronam gloriæ dabit nobis Deus, eodem Deo fruemur, & idem cœlum habitabimus, & digni efficiemur, ut sicut ipse ornauit filium Dei, potentiamque & opera Domini, ornando manus eius; & sicut ornauit carnem humanam, Apostolos, cum Sanctis, atque gentes, ornando vellem sacerdotis; cœlumque & terram, nec non animam fidelem, ornando templum Domini; atque tandem opera in gloria, & potestatem, sapientiamque Dei, summi sponsi manus decorando; ita & nos ornemus. & quia multa iam diximus de ipso, & sicut oculus delectatus fulgido cœli globo, ignitoue aliquo fideris splendore, spectaturus oppositum lumen se violenter intendit, licet percipiat virtutem suam impari esse subtilitati luminis illius, delectatus tamen nimium splendore illo, & desiderio illius pulcherrimi luminis intuendi, libenter in discrimen se ponit, nec cedere vult; sed quantum possunt vires eius pati coruscanti lumini se opponere inaccessibilis lucis conatur. ita ego
cum

cū perpetiar, tacebo. namque cum intel-
ligam intellectus & mentis meæ oculos
collirio aliquo scientiæ non firmatos, aut
aliquo medicamine gratiæ fortes effe-
ctos, siue oleo eloquentiæ clarificatos,
ex radijs supernaturalis splendoris hebeta-
ri; cupio tamen miro splendore flagran-
tem conspicerē & considerare nouum
Deum. sed cum iam vires deficiant, at-
que breuiter aliquid de ipso dixerim, igno-
scet ipse mihi si taceo, vel potius igno-
scet, quod locutus fuerim, atque labijs im-
mundis voluerim de te tanto viro loqui.
dicam sicut dicebat Diuus Paulus 2. ad
Corinthios 11. sustine Domine insipienti-
tiam meam, & quod insipientia locu-
tus sum: non enim reticere potui, cum
audirem etiam irracionales creaturas san-
ctum suum in Domino laudare. mise-
rearis ergo mei tu, atque præsumptionis
huius me ne arguas: ex desiderio enim
manifestandi gloriam tuam ignorantibus
eam factum hoc est, sicut tu Christi ma-
nifestare gloriam desiderasti. atque quia
ductor meus es, post mortem meam duce-

Deside-
rium ora-
toris.


re

re animam meam tecum ne dedigneris;
vt quæ tibi nunc est paratissima ad
seruiendum, Deo tecum ser-
uiat in æternum, quod
Deus nobis conce-
dat propter
miseri-
cordiam suam.
Amen.



CAROLI

CAROLI MONTECVCCOLI
CARMEN DE SVA ORATIONE
IAM FINITA,
AD S. HYACINTHV M.



INclyte nostrorum patrone Hyacinthe parentii,
Sydereoque micans lux veneranda polo:
En hunc est sortita tui laudatio finem,
Hoc nostra exili dictio septa modo.
Mutus in immensos laudum prodire tuarum
Haud metui campos, osque aperire puer.
Et quæ tanta fuit iuuenili audacia lingue?
Aut quis inermẽ animũ tam levis ardor agit?
Nam quid profeci? meritis num consona tantis,
Aut tanti dixi nomine digna viri?
Maxima num generis persolui debita nostri?
Aut mihi laudandi num satiata sitis?
Hæc etenim, grato verborum extinguere riuo
Quam volui, verbis iam magis aucta calet:
Iam magis obiectat sese tua plurima virtus,
Diuersusque magis mente recursat honos.
Ergo volet Christi si quando benigna potes as,

N Et

Et summae matris gratia magna sinet;
 Affatu si quando suo Polihymnia mentem
 Suscitet, & Cynthi flumine corda riget;
 Si quando à cupido volet hoc tua gloria seruo,
 Atque etas habilem vim stabilita dabit;
 Audacem hanc culpam meliore piabo cothurno,
 Et tua celsa libris pluribus acta canam:
 Quidquid & à rerum supremo fonte, talenti
 Est mihi collatum, non latitare sinam.
 Interea hos ausus comi, precor, accipe nutu,
 Nec primum temnas incipientis opus;
 Meque genusque meum solito tutatus amore
 Adrutila in factis omnibus astra voca.

F I N I S.

CA-

CAROLI MONTECVCCOLI
IN FIRM I,
IMPLORATIO AVXILII.



P Repotens cali rutilantis author,
Fonsque cunctarum columenque rerum,
Subueni strato; vegetas pio qui
Cuncta vigore.

Inclita immensi genitrix Tonantis,
Et sacra aeternæ scaturigo lucis;
Sis tua mihi pietate Virgo
Sis mihi præstò.

Huc, precum Zelo patientiaque
Ingiter feruens Hyacinthe, specta;
Hoc idem Sanctum xenium meo sub
Pectore funda.

Nunc Iacobe aliam mihi tende dextram,
Dira qui suffers peregrinus, amplas
Atque opes linqvis, mea corda tali
Robore dita.

Diue succurras quoque Paule, dura
Multa qui vincis valide, benignus.

N 2 Ex-

Exhiberetur sapientiamque,
Inclute doctor.

Adiuua Augustine, scientiarum
Luce diffulgens caput, haresumque
Malleus, doctum fidei tuenda
Suffice pectus.

Sancte mox adsit Hieronymus, omni
Clare doctrina, mala dura passe
Pro Deo, ardorem mihi penitendi
Inde sagacem.

Adsit adiutrix tua dextra, mira
Sanctitate ingens humilique florens
Corde, Francisce, hanc humilem roganti
Effice mentem.

Prebeas, Thoma, quoque tu iuuamen,
Calica in terris ratione veri
Perspicax; tanti mihi, Sancte, doni
Porrige partem.

Subueni Christi Catherina sponsa,
Daque cor mundum sapientiamque,
Que Deo doctos famulos diserto
Ore lucraris.

Vrsula inuicta grauis imperatrix
Virginum turba, fer opem, benigna

Sup-

*Supplici florem mihi puritatis
Insere Virgo.*

*Calites omnes, meritum per omne,
Quaque perpesi, per acerba fata,
Este veloces mihi nunc ad isthac
Danda petita:*

*Per Dei matrem, genitumque numen,
Et per amborum merita, aspera que
Per cruces, & per, pia vestra quidquid
Viscera flectit.*

*Absit hinc à me Stygis hostis, absint
Criminum neui, malaque uniuersa,
Vestra me dulcis bonitas amorque,
Vsque gubernet.*

*Summa maiestas & honor supremus
Sit patri summo, similique nato, &
Pneumati Sancto, tribus his & uni
Iuge per euum.*

F I N I S:

M V T I N A E


M D C X I I





MUTINAE.

In Officina Typographica Io. Mariae de Verdis.

MDCXII.







005646131

